

MUDINDA WA

NGA MADEKWANA

 Ndi a ni livhuwa, nga maanda. Murena a ni fhaṭutshedze.
Ni nga dzula.

² Murwa wanga o ri u vuwa ńamusi, huno a ri, “Khotsi, ndi tama ngavhe ro vha ro vhona iła kereke ri sa athu fhaṭa yashu, ndi fhethu ho nakaho nga maanda.” Huno a amba nga ha... Ha pfi, “Na kathihi a thi athu vhuya nda ṭangana na mushumeli, fhedzi arali e muthu wavhuđi u fana na mufumakadzi wawe, zwa vhukuma ndi muthu wavhuđi.” Ngauralo ri takalela u vha fhano.

³ Huno ndi—ndi khou sedza phanda kha mu—muṭangano madekwana a ńamusi, uri Mudžimu u ḋo shululela phaṭutshedzo Dzawé kha riňe nahone a ri farisa.

⁴ Zwino ri...ndi kha ḋi bvou dzhena, huno ndo pfa Mukomana Williams, ndi a tenda, a tshi khou amba tshiňwe tshithu nga ha u vha ngei Ramada. Huno ndi a humbulela uri ndivhadzo dzo no ḋi itwa, nga ha hoyo. Kanzhi vha a lugisa ndi sa athu dzhena. Huno zwa vhukuma ri khou sedza phanda kha tshifhinga tshavhuđi ngei khuvhanganon. Huno tshipida tshanga fhano tshi tou vha u mona hoṭhe na u ṭangana na vharathu huno nda ita vhuṭama vhukati ha vhatħu, nahone ndi tshi rabela uri Mudžimu u ḋo ri ńea lu—lushaka lu re lwone lwa u nyanyulea, huno zwenezwo ri nga ḥuwa ra livha Ramada kha muṭangano muhulwane. Huno ngauralo ri khou lingedza u dalela zwivhidzo zweṭhe zwine ha vha na khonadzeo ya uri zwi nga kona, u swika nga itsħo tshifhinga. Huno ri na tshifhinga tshavhudi. Zwa vhukuma ri khou vha na tshifhinga tshi mangadzaho ri na vhuṭama ha vhukati ha vharathu vhashu.

⁵ Huno kanzhi ńne ndi... Muńwe na muńwe u a zwi ḋivha uri ńne a thi tou vha nga maanda mureri, ńne ndi sokou nga tshipere. Fhedzi ndi—ndi... Mushumo wanga ndi u rabelela vhalwadze. Huno ndi... Ro vha ro tsitsikana nga maanda lwa masiku, na zwithu, u swika ri tshi kundelwa u wana lufhera lwo edanaho lwa u ita nga u ralo. Huno ri khou yo lingedza arali ri... musi ri tshi dzhena fhethu hune ri nga kona, ngomu hafha, u ńea dzigarata huno ra dzhenisa vhatħu nga ngomu nahone ra vha rabelela. Fhedzi ri na muṭangano wa vhusiku muthihi nga tshifhinga tshithihi, zwe na vha ni si nga zwi wani madekwana a ńamusi huno zwenezwo vho vha vha tshi ḋo zwi gadedzela fhasi-fhasi huńwe fhethu-vho vhusiku vhu tevhelaho, na ngei murahu nga n̄tha ha huńwe

fhethu-vho, ngauralo nga heyo ndila ndo sokou ita tshipitshi tshi—tshițuku—tshițuku vhusiku vhuňwe na vhuňwe u itela vhathu, nahone zwa khwinesa zwine ndi nga sokou...uri Yesu Kristo a wane khuliso na vhugala, na kha Ūyo ane rōthe ra mu funa nahone ra mu tenda, na vhuțama hashu ri rōthe.

⁶ Ndi a humbulela uri no pfa nga ha khombo khuđani, zwifhinganyana zwi si gathi zwe fhiraho. A thi divhi arali munna o vhulawa, kana onoyo we a vha e ene, goloi yo fhira. Ro tou ima, ra ita thabelo pfufhi, zwifhinganyana zwi si gathi zwe fhiraho. Hune ha tđodou ita buloko mbili nga ntha ha hafha ho vha hu na muňwe we a tshaisiwa kha lurumbu nahone a khwikhwidzwa tshikhala tshothe tshițaračani. Huno muthu muhulwane o vha o tibedzwa heneffo nnda. Na mapholisa o vha e heneffo, fhedzi a thi elekanyi uri ambuļentsi yo vha yo no di swika heneffo lini. Vha fanela...Arali a songo vhulawa, zwa vhukuma o vha... Yo kuđa nga ulu lurumbu huno ya enda i tshi tshaisa ndilani yothe nga vothi kha luňwe lurumbu, ngauralo i fanela u vha yo vha muthuthubo u shushaho. Ni a divha, yo tou...

⁷ Ri fanela u shumela Mudzimu muniti muňwe na muňwe. A ri divhi uri hu do vha nga tshifhinga-de—a ri divhi uri hu do vha nga tshifhinga-de hune izwo zwithu zwa do bvelela. Khamusi ri elekanyi uri hu nga si vhe rine, fhedzi ni a divha zwauri zwi nga ralo, ni a divha. Ngauralo, ndi a tenda uri Yesu o ri, “Dilugiseni, ngauri a ri divhi uri ri nga vhidzwa nga muniti kana awara-de.” Huno zwenezwo ri do ya fhethu hune vha sa vhe na dzikhombo, nahone ha sa vhe na dzikhakhathi. Ro takala nga maanda uri hu na fhethu ho raloho kha pfulufhedziso.

⁸ Ni a divha, muhumbulo wonoyo, madekwana a ḥamusi, wa-wa u vhona zwauri ri do tulutshelwa fhethu ho raloho, izwo zwi a sumba uri hu na fhethu ho raloho. Ni a vhona? Huno ri a divha zwauri negathivi dzothe, mirunzi yothe, hu tea u vha na tshiňwe tshithu tsha u ita murunzi. Murunzi ndi tshivhoniswa. Ngauralo arali hu na vhatshilo vhu no nga uvhu, zwi sumbedza uri ndi murunzi, zwenezwo hu na vhatshilo ha vhukuma huňwe fhethu vhune ha khou vhu vhonisa. Ni a vhona? Ni dzhiebla nzhele muri, uri muri wo naka hani. Huno ni a divha zwine uyo wa vha zwone? Ndi tshifanyiso tsha negathivi tsha murunzi wa Muri wa Vhatshilo ngei Tadulu.

⁹ Zwino, ni a divha, musi Mudzimu a tshi da kha lifhasi, musi O vha o alama kha lifhasi mathomoni, huno khamusi tshithu tsha u thoma tshe tsha da ho vha hu tshi—tshivhuluvhulu, sa vhorasaintsi vha tshi lingedza u amba. Tshithu tshi tevhelaho tshi nga di vha tsho vha tshiňwe tshithu...ndi tenda kha u bvelela ha zwithu ha Tshikriste ha ngoho, fhedzi a thi tendi uri hothe hu bva kha sele nthihi. Ndi sokou hu tenda...Mudzimu o ita tshivhuluvhulu, huno zwenezwo A ita khovhe, huno zwenezwo A ita tshiňwe

tshithu-vho. Huno fhedzi...ndi tenda kha u bvelela, hu si nga sele yeneyo nthihi, fhedzi tshivhumbwa tsho fhambanaho tshifhinga tshothe.

¹⁰ Huno mafheleledzoni A bvela phanda, hu tshi khou da mufuda wa nthia, huno nga murahu ha tshifhinganyana wo vhonisa Uyo we a vha o alama, we a vha e Mudzimu. Zwino, u sumbedza uri izwo ndi zwone, musi Mudzimu a tshi itwa nama ho vha hu Yesu Kristo, muthu. Ni a vhona? Ngauralo, hu si ni Muruňwa, muthu. Ngauralo zwi swika hune zwa sumba uri o Mu vhonisa.

¹¹ Huno, oo, iyi Bivhili ya kale yo dala zwithu zwa ndeme zwa kale zwa tshilidzi. Ndi tou...ndi takalela u tou todisisa (a ni ralo?) huno nda tou dzhena heneffo huno nda fhufhura buse Khayo, nahone nda I sedza nahone nda vhona tshire Ya vha tshore. Nga ndila ine dzidzhuwele, inwi vhathe ni a zwi divha hafha Arizona, dzuwele khulwane dzi bva buseni la lifhasi. Afho ndi hune dza bva hone. Huno dzuwele dza Mudzimu dzi bva buseni, na dzone-vho. Huno O...Ro takala nga maanda ngauri U ri nea pfanelo ya u dzhena ngomu ha sudo Lawe, huno tshika yothe ya bviswa.

¹² Ni a zwi divha uri vho vha vha tshi anzela u ita hani? A hu na zwinwe, inwi vhathe vha Arizona ni a zwi divha uri vha ita hani...vha sa athu vha na nando, vho vha vha tshi miňa hani musuku. Ri vhudzwa zwauri vho dzhia musuku huno vha u sinda. Vhaindia vha kale vho vha vha tshi anzela u zwi ita, u u sinda. Huno vha sokou u rembulusa, huno vha u sinda nahone vha u sinda, u swika vha tshi sindela tshika yothe nnnda. Huno ndila ye vha zwi divha ngayo zwauri yothe yo bva (phairete na zwithu zwi re ngomu hayo, izwo zweothe), musi vho zwi divha uri hani, musindi o no vhona tshivhonisa tshawe ngomu hayo, o kona u divhona. Zwenezwo o zwi divha zwauri i khou thoma u vhonadza, musi i tshi vhonisa tshifanyiso tshawe.

¹³ Huno, ni a zwi divha, ndi elekanya uri Mudzimu u todou ita Tshivhidzo Tshawe nga ndila heyo, u tou sindela shango lothe nnnda u swika tshivhonisa tsha Yesu Kristo tshi tshi tshila ngomu ha muňwe na muňwe washu huno ra vhonisa Vhutshilo Hawe. Zwenezwo ro dilugisela-ha Tshawe... U a Divhonisa nga kha riňe nga itshe tshifhinga, musi ri tshi wana...ri kudze muhwalo muňwe na muňwe nga thungo na tshivhi itshe tshire tsha ri tanga nga ndila i leluwaho nga maanda, uri ri kone u oma kha mbambe yo vhewaho phanda hashu ri sa fheli mbilu, ro sedza kha Tsumbo, Murangi na Mukhunyeledzi wa Lutendo lwasu, Yesu Kristo. Ri takalela nga maanda He!o!

¹⁴ Zwino, kanzhi ndi a amba vhusiku vhuňwe na vhuňwe... ndo amba na Mukomana Carl Williams, nda ri, "Mukomana

Carl, avho vhathu a vha tsha ṭodou mpfa hafhu, n̄tha na fhasi kha ayo magovha, ndi tshi khou vha fareledza u swika awara mbili kana awara tharvu vhusiku.”

A ri, “Zwo luga, zwo luga, idani nao.”

¹⁵ Ngauralo ndi takalela u sa fhela mbili haṇu kha—kha u nthamba hafhu. Huno zwino vhusiku vhuṇwe na vhuṇwe . . .

¹⁶ Ndo amba na mufumakadzi wanga tshifhinganyana tsho fhiraho, fhasi. . . U Tucson zwino, huno nda ri, “Naa mutsho wo tou ita hani?”

¹⁷ A ri, “U khou dudela.” Huno a ri, “Naa ni khou shuma nga tshifhinga?”

Nda ri, “Zwo tou kokotolo, i tshi ṭodou rwa fumi kana fuminthihi vhusiku vhuṇwe na vhuṇwe.”

¹⁸ Nda ri khae, “Ndi khou yo wana vhuawelo musi ndi tshi bva ndi tshi ya Arizona nga tshino tshifhinga kha muṭangano uyu muṭuku. Ndi khou ya kha izwo zwivhidzo, avho vharathu. A thi khou yo phanisha avho vhathu, ndi khou tou ya nda dzhena ngomu heneffo nahone nda tendela u imbwu hu tshi itwa, mihuvho. Ndi khou yo dipima, nda tsitsela notsi dzanga fhasi dza ṭodou swika miniti ya fumiṭhanu, fumbili, nda ri ‘Amene’ huno nda ya hayani.”

A ri, “Naa ni khou shuma?”

¹⁹ Nda ri, “Ee, mufunwa, ndi khawo; mushumo wa misi, u swika awara tharu.” Vhathu vhabhudzi nga maanda; u sa fhela mbili huhulu.

²⁰ Zwo luga, kha ri kotamise zwifhatuwo zwashu lwa tshifhinganyana zwino ri tshi sendela Khae. Zwino, ndi na ngoho ya uri kha vhathu vha re vhathetshelesi vhabhudzi sa havha vha no tenda, nahone nga maandamaanda. . . ndi vhabna khetho mbili dzi re hafha, vhathu vha no lwała na vha re na thodea, ndi a divha zwauri vha na khumbelo dza sipeshala. A hu na na thimothimo ya uri hu na vhanwe vhanzhi vha re na idzi khumbelo. Arali zwo ralo, itonu imisa zwanda zwanu huno ni tou ita uri zwi divhee ni tshi imisa tshanḍa tshanu. Huno zwino thabeloni ndi khou yo pfukela nga hangei huno nda rabelela havha vhathu vha re kha idzi khetho, musi—misi ri fhano, u itela uri ri vhe na vhuṇanzi ha uri ri a i wana. Arali tshinwe tshithu tshi tshi itea. . . Vho vha vha tshi fulufhedzea lwo edanaho uri vha nga diswa ngomu hafha, ndi ṭoda noṭhe ni tshi rabela na nne.

²¹ Khotsi ashu wa Ṭadulu, ri vhetshela dubo muhumbulo muṇwe na muṇwe, ri tshi ṭanzwa ṭhalukanyo dzashu, huno ri khou dzhena Vhuhoneni Hau u itela u ṭanzwiwa ha maya washu. Huno ri disa Malofha a Murena Yesu phanda hashu. Ri khou bula zwauri a ro ngo fanelwa nga phaṭhutshedzo inwe-who ye Wa vha u tshi do ri nea yone, fhedzi nga nthani ha uri O fa uri

ri kone u wana idzi phathutshedzo, huno wa vha wo ri vhudza uri ri de ri na tshivhindi phanda ha Khuluñoni, ngauri ri nga swikelela idzi phathutshedzo nga tshilidzi tsha Murena Yesu washu, We a da kha lifhasi, Imanuele, nahone a dzhia fhethu ha muitazwivhi. O vha *riñe*, oo, uri ri kone u vha *Ene*.

²² Ndi u rengisedzana-de, Murena! Vhutshilo vhuvhi, ho livhaho vhudzulavhafu he ra vha naho, na u divha uri Muthihio da huno a Dihwesa uvho vhutshilo, nahone a kupula zwivhi zwashu nga Malofha o shuluwaho a Vhutshilo Ha Ene muné. Zwi fhira zwe mbilu dzashu dza vha dzi tshi nga vhuya dza zwi elekanya, Murena. Huno zwenezwo, nn̄dani ha izwo zwe zwothe, O ita ndila ya u tuwisa vhuvhi hashu na u ri fhodza nga ntho Dzawe. Ri a livhuwa nga maanda zwe A fulufhedzisa uri U do ri nea mutakalo musi ro Mu shumela.

²³ Huno zwino madekwana a ñamusi, Khotsi, hu na khumbelo nnzhi dze dza...vho imisa zwanda zwavho. Ri a zwi divha uri Iwe u do humbula muñwe na muñwe wavho, u tshi divha tshine tsha vha phasi ha tshanda, mibiluni.

²⁴ Huno ndi a humbela, Murena, zwauri U do elelwa Ipfí madekwana a ñamusi musi ri tshi Li vhala; huno ra Li elelwa sa ngudo thukhu, vhunga tshikolo tsha Swondaha, urí ri kone u tuwa hafha madekwana a ñamusi huno—huno ra vha na heli mbiluni dzashu, lune ra pfa unga ri do vha tsini-tsini Hau, ri tshi bva, u fhira zwe ra vha ri zwone musi ri tshi dzhena. Ndi ngazwo ri fhano, uri li kone u disa mvuseledzo u mona na shango, ri sa divhi uri i nga thoma lini, fhedzi ro sedza phanda khayo ri na dzindavhelelo, Murena. Ri khou shumissa vhuñdini vhuñwe na vhuñwe ha muthu vhune ra vhu divha uri ri nga disa hani mvuseledzo ine ya disa munna na vhasadzi, vhatukana na vhasidzana, kha ndivho i tshidzaho ya Kristo.

²⁵ Ri toda u U livhuwa nga itshi tshivhidzo, nga mufunzi watsho wavhudzi na muña wawe, na nga madikoni othe, vhalangi vha ndaka, na zwe zwine tsha imela. Ri a U livhuwa nga avho vha re na tshivhindi tsha u thusa. Huno, Murena, ri tou rabela uri phathutshedzo dza Mudzimu dici vhe khavho. Fhatutshedza vhudidini vhuñwe na vhuñwe. Ngavhe itshi tshi vha tshititshi, Murena, hune govha lothe fhano li nga dzhena huno ja wana vhuawelo. Zwi tendele, Khotsi. Ngavhe thabelo dza mufunzi dza vhalwadze dici tshi fhindulwa. Ngavhe thabelo dzawe dza tshidzo dici tshi fhindulwa, dza vhothe vhane vha dzhena ngomu—mudubani wa Mafhungo-madifha. Ngavhe phathutshedzo Dzau dici tshi vha khae. Huno ngavhe tshivhidzo tshi sa tahelelwi nga mukovhe wa muya, ngavhe i tshi vha fhethu, tshivhidzo tshi re tsumbo kha vhapo vhothe. Zwi tendele, Murena.

²⁶ Zwino, Khotsi, vho lalaho kha dzikhoto fhano madekwana a ñamusi, vhane vha sa kone u dzula huno vha diiphina nga

muṭangano, ndi avho vhane vha sa vhe na iyi pfanelo. Huno vho pakiwa ngomu hafha nga iñwe ndila, madekwana a namusi. Oo Mudzimu, khathutshela! Ndi elekanya, “Mini-ha arali uyo o vha e mufumakadzi wanga kana mukomana wanga, kana muñwe we a vha e shaka, we nda mu ḋivha zwavhudivhudī?” Ndi wa muñwe, huno ndi a rabela, Khotsi, uri tshilidzi tsha Mudzimu, na maanda Awe, zwi tsele fhasi nga phuluso Khethwa khavho madekwana a namusi, huno zwi vha phuluse kha idzi kholo. Ngavhe vha si tsha vha kha idzi kholo musi muṭangano uyu wo no fhela madekwana a namusi. Ngavhe, musi vha tshi ṭuwa, kholo dzi tshi siiwa. Ngavhe maanda, e a vusa Yesu vhafuni, a tshi hanyisa mivhili yavho uri i vhe na mutakalo muswa na nungo hafhu. Zwi tendele, Khotsi ashu. Zwino, ri a ḋivha zwauri Wo fulufhedzisa u zwi ita.

²⁷ Ngauralo-ha, zwo ḋwaliwa Mañwaloni, “Zwiga izwi zwi do tevhela avho vhane vha tenda. Arali vha vhea zwanda zwavho kha vhalwadze, vha do fhola.”

²⁸ Zwino, Khotsi, u itela uri muñwe a sa vha swikelele, musi vhañwe vha tshi kona u swikelelana nga tshavho, ndi do tsela fhasi ndi tshi khou humbula ndaela iyi. Huno, Mudzimu, ndi khou yo lavhelela u wana luñwalo lu bvaho khavho, lwa uri zwo itwa, ngauri ndi khou ya nga Dzina ḥa Yesu Kristo.

²⁹ [Mukomana Branham u tsela fhasi huno a rabelela avho vha re kha dzikhoho musi tshivhidzo tshi tshi khou imba *Tendani Fhedzi* luña, zwenezwo a vhuya huno a imba—Mudz.]

Murena, ndi a tenda, Oo Murena, ndi a tenda,
 Zwithu zweithe zwi a konadzea, Murena, ndi
 a tenda;
 Murena, ndi a tenda, Murena, ndi a tenda,
 Zwithu zweithe zwi a konadzea, Murena, ndi
 a tenda.

Nga u vhuvhili ha avha vhafumakadzi vho vha vhe na zwibvo, pfuko kha muthihi.

³⁰ Ndi nga kha di tou nea uvhu vhutanzi vhutuku nga u ṭavhanya, arali ndi tshi tea u tumula tshiñwe tshipida tsha nyambo yanga. Ndi sa athu ṭuwa hayani, tsumbo ya u fhedza ye nda vha nayo ndi sa athu ṭuwa, iyo yo vha i tsumbo i kanukisaho, ho vha hu na mufumakadzi huno dzina ḥawe ndi Dyer; o vha, ndi hangwa dzina ḥawe zwino. O vha e Dokotela Dyer, a bvaho Louisville. Ene James, Dokotela James Dyer, mugudeleli wa zwibvo, na zwiñwe-vho, ngei Louisville.

³¹ Nwananyana wawe o vha a tshi lidza piano tshivhidzoni tsha The Open Door, tshine Dokotela Cobbles a vha mufunzi; i tou vha (oo) sinagogo ya mamona mahulu a kale a Vhayuda. Huno munna ene muñe o vha e wa Tshivhidzo tsha Kristo, Tshivhidzo tsha Kristo tshi re dinomineisheni, huno a rembuluselwa kha u tenda kha Mafhungo-mađifha o ḫalaho,

munna wavhuđi nga maandarda. Huno ene o lidza mučanganoni wanga musi ndo u fara ngei Louisville, kha Oditoriamu ya Tshihumbudzo. Huno o mangadzwa nga zwe zwa itea, huno a lingedza u zwi vhudza khotsi awe.

³² A ri, “I tou vha saikholidzhi. Avho vhathu vha khou tou lwala sa zwe vha vha vhe zwone.” Huno ngauralo—ngauralo ho ngo Li tenda.

³³ Mafheleledzoni a kheluwa tshivhidzoni itsyo, a mala mutukana a bvaho seminarani ya Baphuthisi, huno mafheleledzoni a tutshela lutendo lwawe. O pfumbudzwa uri a vhe mushumeli, nahone sa Mubaphuthisi a tshi zwi ita nga ndila heyo. Huno ngauralo vha... Mafheleledzoni a tuwa, a si töde u rera. Huno vha pfulutshela kha vhathu vha hawe Rockford, Illinois.

³⁴ Mafheleledzoni ene, Jean, a thoma u vha na thaidzo ya tshisadzini. A ya kha khotsi awe uri a thathuvhiwe, a vhuya Louisville uri a thathuvhiwe. Huno, musi vho ralo, vha wana tshire tsha vhidzwa “tshizwimbo tsha tshokoleti,” tshi kha thanga dza wa tshisadzini. A tshi tshi bvisa, khotsi awe, nga muaro muhulu, huno u fanela u vha o tunzula tshiñwe tshipida tsha tshi—tshizwimbo ngomu hawe. Huno mafheleledzoni... Huno vha mu nea Ekisirei ya vhukuma na—na dzilafho.

³⁵ Huno ngauralo zwenezwo musi vha... musi a tshi humela hayani, huno a ya phanda na u vha na thaidzo.

³⁶ Ngavhuya hu tshi tödou fhela ñwaha vha mu vhuisa uri a dovhe a thathuvhiwe, huno vha bvisa mbumbelo nga ndila yo vuledzeaho. Huno musi vha tshi khou ita nga u ralo, khotsi, vhe na Dokotela Humes, ane a vha muñwe wa madokotela mahulu a Tshipembe, vha ita muaro, huno tsha vha tshi kulesa, pfuko yo vha yo no di tanda ngomu ha lila lihulu. Ngauralo vho mbo mu sia henefho lwa tshifhinganyana. Zwenezwo a lingedza dzilafho la Ekisirei hafhu, huno vha zwi vhona uri a yo ngo shuma zwavhuđi, ngauralo vha tou mu humisela sibadela u... A vho ngo kona u mu nea murithadangani muñwe-vho u ita uri lila lawe li shume, ngauralo vho lingedza u mu ñanzwa nga tshirepi. Huno itsyo tsho ita uri madj a si tsha dzhena ngomu ha lila.

³⁷ Ngauralo zwenezwo munna wawe o vha a tshi tou nga muñwe wa vhasasalandzi vhanga. Huno ngauralo mafheleledzoni liñwe duvha a tsela henefho huno a doba bugu nahone a thoma u i vhala. (Huno murwa wanga fhano na Mukomana Sothmann, ndi muñwe wa vhalangi vha ndaka, u ngomu fhano hunwe fhethu.) Huno o sokou edela zwięepisini zwa muñango, mulandu, lwa mađuvha a no tödou swika mavhili, u swika...ndo—ndo vha ndi kule mučanganoni.

Ndi tshi vhuya nda—nda ya nga hangei u mu vhona. Huno o mmbudza, a ri, “Zwino, ha zwi divhi zwauri u na pfuko.” A ri, “Itonu ya huno ni ambe nae nahone ni rabele nae.”

³⁸ Huno ngauralo musi ndo no mu vhona, a ri, “Mukomana Branham,” a ri, “munna wanga u khou yo ṭanganedza phodzo ya Muya,” a ri, “ngauri ndo kundelwa u ita uri a sedze iñwe ya dzibugu, zwino u mmbalela siatari na siatari duvha na duvha, iñwe ya dzibugu.”

³⁹ Huno nda ri, “Izwo ndi a zwi pfectesa, Jean.” Huno nda ri, “Zwino, Jean, kha ri ambe huno ri vhone zwine Murena a ño amba.” Hu si na muthu lufherani, muongi o tou dibvisa. Huno ngauralo ra amba lwa tshifhinga tshiñuku, huno nga murahu ha tshifhinganyana ha ña bono. Nda... U na miñwaha i no ñodou swika fuiñga nga vhukale, ha athu vha na mmvi, fhedzi o vha o lalama nga mañda nahone e na mmvi. Nda ri, “Jean, zwino, no vha ni miñanganoni.”

“Ee, Mukomana Branham.”

⁴⁰ Nda ri, “Vho ni dzumbela zwone, nahone vha mmbudza uri ndi songo zwi amba, fhedzi ni na pfuko.” Huno nda ri, “Khotsi anu na... Kana munna wanu o ri, ‘Ni songo amba tshithu nga hazwo.’ Fhedzi ni na pfuko, Jean. Fhedzi, zwino, ndi ñodou ni vhudza, ngauri no vha ni miñanganoni. Bono a li athu kundelwa na kathihi. Zwino ndi khou yo ni vhudza, Jean, ndi U RALO MURENA! Ni a vhone?” Ni a vhone?

⁴¹ Zwino, ni ñodou vha na ngoho vhukuma nga hazwo, ni a vhone, zwauri... zwauri ndi Murena. A si mbonadzo; ni a zwi vhone. Ni a vhone?

Huno zwenezwo nda ri, “Ni khou yo tshila. Vha khou... Ene...”

⁴² A ri, “Mukomana Branham, izwo ndo zwi humbulela tshifhinga tshothe.” Huno a ri, “Ndo aluswa hayani khotsi anga vhe dokotela,” a ri, “ndo—ndo—ndo zwi humbulela.” A ri, “Izwo ndo zwi elekanya tshifhinga tshothe, izwo zwi tou vha zwe zwa vha zwi zwone.” Ra rabela.

⁴³ Duvha li tevhelaho, duvha la vhuvhili nga murahu ha helo, vho vha vha tshi khou yo mu issa nñha u itela muaro wa u tukufhadza lila lihulu. Izwo ndi, ni a ñivha, vha tumula lula huno vha vhea saga nga thungo huno zwenezwo mulwadze u tou... u swika vha tshi fa, mafheleledzoni pfuko i a vha vhulaha, lila la hamulela sagani. Huno musi vho no ita uri a vhe o no ñilugisaho, huno o no ñi itwa uri a vhe o teaho nahone o lugela ñafula ya muaro, a ñipfa nga ndila isili vhukuma. Huno vha... a vhidzelela muongi uri a ñe huno a mu farise u ya ba—bafurumuni. Huno, musi o no ralo, a vha na u bvisa ho vuledzeaho ha nga misi. Huno mu—munna wawe ho ngo tou zwi kholwa zwavhuñi. Huno nga duvha la vhuvhili... A

vho ngo mu isa n̄ha. Nga ḫuvha ḥa vhuvhili, sa nga misi, nga murahu ha vhuragane, ḥu bvisa huṇwe ho vuledzeaho. Ngauralo a . . .

⁴⁴ Dokotela wawe a ḫa. Vhukati ha u dzida na u lila, a ri, “A thi tou kona u zwi pfesesa, a ri vhuyi ra wana tsumbadwadze na nthihi yaho. A vhu tsheeho.”

⁴⁵ Zwino, zwino, khaladzi dzanga dza vhuthogwa, a thi na tshi nnyitisaho uri ndi ime hafha sa mulanda wa Kristo huno nda amba tshiṇwe tshithu tsho khakheaho, ngauri ndi ḫo haṭulwa nga iļo ḫuvha, nahone nda vha mulaṭwa, sa muhoi.

⁴⁶ Zwino, na Ipfi ḥa Mudzimu ḫo vulwa, a tho ngo tsha rabelela Jean nahone nga vhufulufhedzei u fhira zwe nda itela inwi, ni a vhona. Ro tou reila ra fhira iyo pala ḫukhu, ri tshi divha zwauri thabelo ya lutendo yo no rabelwa. Izwo zwi a li ladza heneffho. Ipfi ḥa Mudzimu ḫo ralo, ni a vhona, “Thabelo ya lutendo i ḫo tshidza mulwadze.”

⁴⁷ Zwino, Mudzimu onoyo muthihi o fhodzaho ḫwananyana wa Dokotela Dyer, ane a vha Jean . . . a thi divhi uri dzina lawe ndi lifhio zwino. Fhedzi uyo munna zwa vhukuma o kuvhatedza Mafhungo-madjifha o ḫalaho. Thero ya u fhedza tshivhidzoni, fhano o vha o dzula heneffala a tshi khou i mila yothe, a tshi khou dzhia tshilalelo na rine, na tshiṇwe na tshiṇwe-vho, mutshudeni wa Baphuthisi a ḫa Murena a tshi ḫoda ndovhedzo ya Muya Mukhethwa. Zwino, zwi tou sumba uri Mudzimu u dzula e Mudzimu.

⁴⁸ Huno dokotela, khotsi awe, munna wavhuđi, fhedzi u tou vha a sa athu vhona tshi no nga tshenetsho tshi tshi bvelela na kathihi.

⁴⁹ Zwino, Mudzimu u na tshifhinga tsha zwithu zweithe. Huno nga u tenda, noṭhe ni vhatendi. Ngauralo tshiṇwe tshifhinga izwi zwithu zwi isa havhudi. Ni a ḫivha, Bivhili yo ri, “Zwi a shumisana zwa isa havhuđi.”

⁵⁰ Zwino, ni a elelwa Yobo, milingo yawe yothe? Zwino, uyo o vha e si Mudzimu a no khou rwa Yobo, fhedzi ho vha hu Mudzimu a no khou ḫanganedza mulanda Wawe. Ngauralo zwe shuma tshothe zwavhuđi, ni a vhona. Huno zwenezwo Bugu ya Yobo ya ḫwalelwa mirafho yothe, u itela vhučanzi. Zwino, Mudzimu u khou zwi shuma zwa isa havhuđi.

⁵¹ Itonu elelwa, ndo rabela, nga mbilu yanga yothe, thabelo ya lutendo. Inwi zwi tendeni, huno heneffho, izwo zwi ḫo vha zwenezwo, izwo zwi ḫo vha nga u ralo, itonu—itonu sedza mvelelo.

⁵² Zwino, u livha kha mu—mulaedza, (vhanzhi vho ima), mulaedza muṭuku wa nga madekwana.

⁵³ Huno—huno itonu elelwa zwino, hone hangei—hangei Ramada, hu khou yo vha na zwiṇwe zwiambi zwavhuđi

nga maanda kha khuvhangano iyi ya Ramada nga tshino tshifhinga, Vhanna vha Bindu, ngauralo inwi...fhasi ngei Ramada. Ngauralo ni vhe na ngoho ya uri ni lingedze u vha hone muṭanganoni uyu. Murathu Oral Roberts u khou yo vha hone vhusiku ha tshimima.

⁵⁴ Huno, zwino, nne ndi tou nga ndi tshipida tshiṭuku tsha Tucson, nne ndi khou yo tikedza Tucson. Ri na inwe henengei fhasi, na hone-vho, vhusiku ha Musumbuluwo u tevhelaho, ngauralo arali na kona u vha tsini na henengei, zwo luga, na inwi ni tsele-vho henengei. Huno ni do tea u...ni nga kondelela tshifhinga tshiṭuku na nne, ngauri ndi khou tea u amba nga ha hoyo. Ngauralo inwi tselani fhasi arali ni tshi kona ḥavhuhili li tevhelaho...vhusiku ha Musumbuluwo u tevhelaho Motheleni wa Ramada, Nduni ya vhaendi ya Ramada, Tucson. Huno, a hu na zwinwe, rothe ri a zwi ḫivha uri Phoenix hu tou vha nnnda ha Tucson. Izwo rothe ri a zwi ḫivha, ni a vhona, ngauralo—ngauralo tselani fhasi huno ni vhone uri vhatu vha dzithavhani vha dzula hani.

⁵⁵ Zwino kha ri vule Bivhili dzashu kha Sakaria 14, ndima ya 6 na ya 7, ndi tama u vhala ndi tshi itela...u dzhia ḫaluso ḫukhu ya ḥinwalwa ḥine nda tama u li dzhia kha heyi.

Huno zwi do khunyelela nga ilo duvha, zwauri tshedza a tshi nga do vhonadza, kana tsha swifhala:

Fhedzi li do vha duvha ḥithihi li no do dihua nga MURENA, hu si masiari, kana vhusiku: fhedzi zwi do khunyelela, zwauri nga tshifhinga tsha madekwana hu do vha tshedza.

⁵⁶ Zwino ndi tama u dzhia kha heyi, *Mudinda Wa Nga Madekwana*, u itela ḫalu...u itela ḥinwalwa: *Mudinda Wa Nga Madekwana*. A hu na zwinwe, ri nga vha na vhadinda duvha lothe, huno ho no vha na vhadinda kha duvha heli lothe le A amba nga halo, fhedzi hu khou da Mulaedza wa nga madekwana. Huno ri khou ḫodou sedza kha hezwo madekwana a qamusi nahone nga ndila i no tou nga ya tshikolo tsha Swondaha, ra amba nga hazwo lwa tshifhinganyana.

⁵⁷ Zwino, rothe ri a ḫivha zwe Sakaria a vha a tshi khou amba nga hazwo hafha, ngauri o ri, "Hu do da duvha li no do humbulwa nga Murena, hu si masiari kana vhusiku; fhedzi nga madekwana hu do vha Tshedza." Zwino, arali ro zwi ḫivha uri ho vha hu si masiari kana vhusiku, lo do tea u nga ḫu—q—d—uvha lo nzwinzwimalaho, li no nga duvha la khuli.

⁵⁸ Huno rothe ri a ḫivha uri vhutshilotshedza ho enda u bva vhubvaquvha u ya vhukovhela. Vhutshilotshedza ha kalesa vhune ra vha naho ndi Tshaina. Huno vhutshilotshedza ho enda u bva vhubvaquvha u ya vhukovhela, ngauri ho tevhela duvha, huno zwino ri na tshipida tshothe u ya

Khunzikhunzini ya Vhukovhela. Arali ra ya phandanyana, ro vhuyelela Vhubvađuvha hafhu, ni a vhona. Ngauralo ri magumoni a ndila.

⁵⁹ Ri a tenda, sa Tshivhidzo, zwauri Mafhungo-madifha o no tou vha tsini na u vuledzwa. Ri a tenda zwauri vhadinda vhahulwane kha zwikhathi, maduhvani haya a u fhedzisela, maduvha a madana a re na tshivhalo a u fhedzisela, vho lwela hezwi zwithu zwihulwane; u itwa o lugaho nga lutendo, Luther; u khethefhadzwa, nga Wesley; ndovhedzo ya Muya Mukhethwa, nga Vhapentekostała. Ri a tenda zwauri izwo zwivhumbatsiko zwi yo ita muvhili wo fhelelaho, vhunga wa mupo na wa myua.

⁶⁰ Musi lushie lu tshi bebwa nga ndila ya misi, tshithu tsha u thoma ndi mini? Tshithu tsha u thoma tshine lwa bveledza, ndi madi; tshi tevhelaho, ndi malofha; huno tshithu tshi no tevhela, ndi vhutshilo.

⁶¹ Yohane Ya U Thoma 5:7, “Hu na vhararu vha no ḥanziela Tađulu, Khotsi, Ipfī, na Muya Mukhethwa: huno vhararu havha ndi muthihi.” Vhone *vha Muthihi*; ni nga si kone u vha na Khotsi nga nnnda ha u vha na Murwa, ni nga si vhe na Murwa nga nnnda ha u vha na Muya Mukhethwa. Ni a vhona, vhone *vha Muthihi*. “Fhedzi hu na zwiraru zwi no ḥanziela lifhasini, madi, malofha, na Muya: huno zwi andana kha tshithihi.” A zwi tshithihi, fhedzi zwi *andana* kha tshithihi. Ni a vhona?

⁶² Zwino, ni nga itwa o lugaho nga nnnda ha u khethefhadzwa; ni nga khethefhadzwa nga nnnda ha u vha na Muya Mukhethwa. Ni a vhona? Muya Mukhethwa ndi Vhuhone ha maanda a Kristo ho fhađelaho, Muyani. Zwino, ri a zwi vhona uri tsha mupo tshi fanyisa tsha myua, ngauralo Tshivhidzo tshi kha nyaluwo yatsho yo fhelelaho zwino: u itwa o lugaho, u khethefhadzwa, ndovhedzo ya Muya Mukhethwa. Ri kha di bvou tou fhira kha Zwikhathi Zwa Sumbe Zwa Tshivhidzo, hayani, izwo ri tshi zwi fanyisa zwavhudzi.

⁶³ Huno, nandi, hu na we a vhuaya a pfa theiphi dzi re na zwikhathi zwa tshivhidzo? Tshifhingani tsho fhiraho ndo ita uri izwo zwikhathi zwi olwe afho nnđa kha bodo ya u nwalela, huno Khotsi wa Tađulu u a divha uri izwi ndi ngoho, musi ndo no zwi fhedza lwa khwinesa lwe nda kona, ndi na ḥthuhwedzo ye Mudzimu a vha a tshi do n̄ea, uļa Muruňwa wa Murena ane na mu vhona tshifanyisoni (vhanzhi no no vhona tshiļa tshifanyiso, a no ngo no ralo, tshiļa Tshedza?), O tou tsela lufherani, phanda ha vhathu vha no ḥodou swika madana mararu kana mana, a ya nga hangei thungo ya luvhondo (sa Tshedza nga u ralo) huno Ene mune a ola izwo zwikhathi zwa tshivhidzo. Rođe ra ima henefhalo ro Mu sedza, ra sedza A tshi ola tshikhathi tsha u thoma tsha tshivhidzo, tsha vhuvhili, tsha vhuraru, na tsha vhuna, tsha vhuđanu, tsha vhuđanu na vhuthihi, na tsha vhuđanu na vhuvhili.

⁶⁴ Zwino, hu na vhatu vho dzulaho hafha vha re ḥanzi yazwo. Imisani tshanḍa tshanu arali zwo ralo. Bivhili yo ri, “Nga ḥanzi mbili kana tharu.”

⁶⁵ Muñwe na muñwe o dzula henehala, a tshi khou ṭavha mukosi na tshiñwe na tshiñwe, nda ri, “Ḩangei! Zwino, no ḥoda u Mu vhona, muñwe na muñwe a nga Mu sedza.” Nga awara ya fuminthihi nthā ha tshithoma masiari, o ima henehala kha luvhondo, huno a ola izwo zwikhathi zwa tshivhidzo, hu tshi tou vha na Muya munzhi, nahone ha vha na swiswi u sumba uri Muya wo dzimiwa huno wa fhira kha Tshikhathi Tsha U Shaea Ha Ndīvho huno wa vhuyelela fhasi hafhu, nga ndila ye nda ita uri zwi oliwe. Huno ro i wana, zwifanyiso zwayo, na tshiñwe na tshiñwe tsho olwa, yo nembelela kha luvhondo. Huno ngeyoo yo tou kokotolo. Hu fanela u vha ho vha uri Muya wa Murena wo vha wo fushea uri izwo zwo vha zwo vuledzwa, ngauri O vhuya nahone a khwaṭhisēdza uri izwo zwo vha zwi zwone.

⁶⁶ Huno ri khou tshila kha Tshikhathi tsha Tshivhidzo tsha Laodikea, tshikhathi tsha tshivhidzo tsho pfumaho tshine tsha elekanya uri a vha na tshine vha tshi shaya, huno a vha ḫivhi zwauri vha fhedzi, vha a ḫungufhadza, vho pofula; huno a vha zwi ḫivhi, ni a vhona. Zwino, izwo zwothe, zwi tshi khou fanyisa.

⁶⁷ Zwino, ḫuvha lenelo lithihi li no penya ngei... li no ṭavha ngei Vhubvaḍuvha ndi ḫuvha lenelo lithihi li no kovhela ngei Vhubvahela. Zwino, kha ri ime ḥwa tshifhinganyana uri ri dise zwa murahu zwa mulaedza uyu. Ri a ḫivha uri ḫuvha, lone ḫ-u-v-h-a, sisteme ya ḫuvha. Fhedzi M-u-r-w-a wa Mudzimu o tsa, nga vhuṭali ha Mudzimu na Tshedza tsha Mudzimu, ngei Vhubvaḍuvha. Huno ro no vha na miñwaha ya zwigidi zwivhili zwino, yo humbulwaho nga Murena, A ri, “Tshi do vha tshifhinga tshine tsha sa do vha masiari kana vhusiku, tshi do tou nga ḫuvha lo nzwinzwimalaho; fhedzi nga madekwana hu do vha Tshedza.”

⁶⁸ Zwino, arali na dzhiela nzhele, Muya Mukhethwa wo thoma u wela kha vhatu vha Vhubvaḍuvha. Zwenezwo riñe ro vha na tshifhinga tsha u tou vha mirađo ya tshivhidzo na u lugisa zwituku zwe zwa vha zwi songo guma, na u lwela zwivhangi zwituku. Fhedzi-ha nga tshifhinga tsha nga madekwana, kha hemisifiya ya Vhubvahela, hu do vha Tshedza. Huno ri kha itsho tshifhinga zwino! Vhubvahela ho da vhunga mutwe muhulu u bvaho Vhubvaḍuvha, hu tshi doba tshivhi tshifhinga tshothe hu tshi da, huno wo rwa Khunzikunzi ya Vhubvahela vhunga tshithivheli tsha mubvumo, huno wo no piđimutshela murahu, huno fhethu ho tshinyalesaho hune nda hu ḫivha hu kha Khunzikunzi ya Vhubvahela. Tshiñwe na tshiñwe tshine na ḥodou elekanya nga hatsho, vha natsho, tshivhi, tshinyalo, muṭalano, u mala, Hollywood, dindi lonełone la vhudzulavhafu! Izwo ndi zwone kokotolo.

⁶⁹ Ndi tenda kha vhukhethwa vhukumakuma ha Bivhili. Huno a thi tendi kha iyi tshinyalo na zwithu zwo sinaho zwine zwa nea tsumbo phanda ha vhatu vha hashu, zwi no vhidzwa Hollywood. Huno tshifhinga tshothe ndo vha wa u lwa nayo. Huno ndi elekanya uri munna ane a vha na Muya wa Mudzimu ngomu hawe o vha a tshi do lwa nayo, ngauri Muya wa Mudzimu wo vha u tshi do tanziela khae uri “yo khakhea.”

⁷⁰ Zwino ndi elekanya uri iyo ndi inwe ya... Ro vha ri tshi anzela u ya hangei Paris u wana mimodele i re fhedzi u itela u bvula vhasadzi vhashu, zwino Paris i da hangeno u wana yashu. Ni a vhona? Hollywood i ranga shango phanda. Huno fesheni dzi songo fukaho dzine ra vha nadzo dza namusi, u fhira Fura (edzonu elekanya hezwo!), afho fhethu ho kambiwaho, hu lwaho, ha vhuada, huno naho zwo ralo Hollywood i fhira afho tshothe-tshothe.

⁷¹ Huno thelevishini dzashu dzothe, tshiñwe na tshiñwe tshine vha vha natsho khadzo a tsho ngo fhefherwa, mirubo mivhi, na tshinyalo yo sinaho, yo sokou dzhenelela kha tshiñwe na tshiñwe. Huno vhatu, Diabolo... Tsho vha tshi sa ri tendeli u rumela vhana vhashu kha—kha shou dza zwifanyiso miñwahani yo fhiraho, riñe Vhapentekosta la vha u whilula, fhedzi zwino Diabolo o dzhenisina inwe nga ngeno huno a i vhea heneffo nduni kha riñe. Ni a vhona? Ngauralo o tou disa shou ya zwifanyiso ngomu heneffo.

⁷² Zwino, nahone tshi—tshi tou vha tshi—tshithu tshi ofhisaho u—u elekanya uri shango lo dzhena kha tshinyalo iyi, nga nthani ha vhatu vha sa ri tshithu, ni a vhona, huno vha sokou papamala nga heyi ndila, vha tshi da na vhutshilotshedza.

⁷³ Fhedzi tshifhinga tshothe... ndi khou yo rera nga linwe la haya maduvha, Murena a tshi funa, nga maduvha a si gathi, nga ha *U Vhala Ni Tshi Tsa*. Ni a divha, ndi—ndi a divha uri no mona kha obiti, huno ngauralo riñe—riñe ri tou sedza henengei zwine zwa khou itea. Mudzimu o kona u ita tshiñwe tshithu nga Tshivhidzo Tshawe, na ene-vho, tshifhinga tshothe, ni a vhona, musi izwi zwithu zwi tshi khou bvela phanda. Huno zwino ri kha tshifhinga tsha vhufhelo, livhuwani Murena!

⁷⁴ Tshikhathi tshiñwe na tshiñwe tsho vha tshi na mulaedza watsho na mudinda. Hezwo Mudzimu o zwi londota. Tshiñwe na tshiñwe... Na kha zwikhathi zwa tshivhidzo, ri wana uri tshiñwe na tshiñwe tsho vha tshi na mudinda, nahone muñwe na muñwe o tshila tshifhinga tshawe; huno muñwe-vho a dzhena, huno uyo muñwe a bva; huno muñwe a dzhena; u tsa phasi u swika kha tshikhathi tsha vhuñanu na vhuvhili tsha tshivhidzo; naledzi inwe na inwe, muruñwa muñwe na muñwe wa tshivhidzo, mudinda muñwe na muñwe.

⁷⁵ Huno ri wana uri, kha tshikhathi tsha tshivhidzo tsha u fhedza, nga hangeno kha Nzumbululo 10, hu khou do vha na

mubvumo wa porompiṭa, huno ho vha na maipfi a sumbe e a bula... O vha a songo tendelwa u n̄wala. Fhedzi o vha o pfunelwa murahu ha Bugu, mapfundo a sumbe o vha e murahu ha Bugu. Nga murahu ha musi Bugu yo no n̄walwa, Yo mbo pfunelwa heneffo murahu nga mapfundo a sumbe. Zwino, a hu na ane a ḋivha zwine a vha zwone. Fhedzi Lo ri, “Maduvhani a musi muruṇwa wa vhuṭanu na vhuvhili a tshi huwelela Mulaedza wawe,” uyo ndi muruṇwa *wa lifhasi*, zwino.

⁷⁶ Ngauri *uyu* Muruṇwa o tsa a tshi bva Tadulu; huno *uyu* o vha e kha *lifhasi*; *muruṇwa* ndi “muđinda,” muđinda kha tshikhathi.

⁷⁷ Huno zwenezwo ri dzhiela nzhele uri O vhea Tshawe... o vha e na musingavhadzimu nga n̄tha ha thoho Yawe huno a imisa tshanda Tshawe nahone a ana nga Uyo a no tshila lini na lini na u ya ho ya, uri tshifhinga tshi songo tsha vha hone (musi aya maipfi a sumbe a tshi bula, mibvumo ya sumbe ya bula maipfi ayo). Huno A i vhudza, “Ni songo n̄wala, fhedzi A pfuneleni.” Huno ri wana uri ho vha hu murahu ha Bugu.

⁷⁸ “Fhedzi musi muruṇwa wa vhuṭanu na vhuvhili o no fhedza Mulaedza wawe, u porofita hawe ha ḋuvha, zwenezwo tshiphiri tsha Mudzimu tshi ḍo khunyelela,” muńwe na muńwe u a ḋivha uri izwo Bivhili i a zwi amba. Tshiphiri tsha Mudzimu, zwine Mudzimu a vha zwone, Ane Mudzimu a vha ene, na zweṭhe malugana na ndila ya u dzhena kha ndovhedzo na zwithu, zwi no tea u dzudzanywa nga ilo ḋuvha.

⁷⁹ Muđinda muńwe na muńwe o vha e na mulaedza wawe, nahone mu—mulaedza na muđinda wa itsho tshikhathi. Huno zwi a kanukisesa uri muđinda muńwe na muńwe... Nahone rińe kha zwikhathi zwa tshivhidzo ro wana (huno madekwana a ḋamusi ri ḍo humela murahu kha Testamente Ndala huno ra wana uri ndi zwenezwo zwithihi) uri Mudzimu u rumela muđinda wa itsho tshikhathi magumoni a tshifhinga; tshifhinga tshoṭhe magumoni, hu si mathomoni na kathihi. Magumoni!

⁸⁰ Zwino, sa tshikhathi tsha Luther tsho ngalangala, ho mbo dzhena Wesley. Huno musi u khethethadzwa ha Wesley ho no ngalangala, tshikhathi tsha Pentekostała tsha dzhena. Ni a vhona? Tshifhinga tshoṭhe ndi muđinda a no vula mulaedza muswa magumoni a tsha kale. Izwo zwo itwa kha tshikhathi tshińwe na tshińwe. Ri a ḋivha uri izwo ndi ngoho.

⁸¹ Izwi zwi dovhoholowa tshifhinga tshińwe na tshińwe kha Bivhili. Izwo ri zwi wana Mańwaloni makhethwa, tshikhala tshoṭhe, uri heneffo magumoni a tshikhathi tshilala na tshiswa tshi tshi dzhena, itsho tshikhathi tshi a ngalangala huno tshikhathi tshiswa tshi tshi dzhena, Mudzimu u rumela muđinda.

⁸² Huno sa tshifhinga tshoṭhe—tshifhinga tshoṭhe, tshifhinga tshińwe na tshińwe musi muđinda a tshi da, tshifhinga tshoṭhe ndi mbidzo ya u vhuyeleta kha Ipfī, a i kundelwi na kathihi.

Elelwani, Iyi ndi nzumbululo yo fhelelaho ya Yesu Kristo, a hu na tshine tshi nga engedzedza Khayo kana tsha tusiwa Khayo. Ndi nzumbululo yo fhelelaho ya Yesu Kristo. Nähone ndila i yothe ine ri nga vhuya ra vha na ngoho: arali tshiñwe tshi tshi vuwa vhukati hashu tsho fhambanaho na iyi nzumbululo, zwenezwo tsho khakhea. Ni a vhona? Ndi “Murahu kha Ipfi!” huno tshifhinga tshothe li tshi vhidzela murahu.

⁸³ Huno kha tsumbo iñwe na iñwe Luñwaloni, tsumbo iñwe na iñwe, Mudzimu u shumisa muporofita u vhidzela itsho tshikhathi murahu, tshifhinga tshothe. U ita...Hai, a hu na tshifhinga tshine zwi nga kundelwa, tshifhinga tshothe U rumela mu—muporofita! Huno zwino ndi ngani A tshi ita izwo? Ndi ngauri Bivhili i ri, “Muporofita ndi ene ane Ipfi la Mudzimu la mu ḋela,” mudzumbululi wa Ipfi.

⁸⁴ Zwino, ndi—ndi—ndi a fulufhela uri a tho ngo vha a songo pfectesewaho. Ni a vhona? A thi khou amba uri ndi si pfectesiwe, fhedzi ndi khou amba u thembea na u fulufhedzea kha mbidzo. Ri ḋodou vha zwenezwo.

⁸⁵ Zwino, tshifhinga tshothe Mudzimu u shumisa mu—muporofita, munna. Arali na shumisa tshigwada tsha vhathu, ni wana mihumbulo yo fhambanaho; ni a vhona, munna muñwe na muñwe, vhanna vhavhili. Na kathihi Ho ngo vha na vhaporofita vhavhili vhahulwane kha liphasi nga tshifhinga tshithihi. U dzhia muthihi, u itela uri muñwe a kone u dzhia vhuimo hawe ha liñwe ḋuvha, muñwe mulaedza. Na kathihi ha vhi na vhavhili, U na muthihi nga tshifhinga tshithihi.

⁸⁶ Huno Mudzimu a si na magumo ha shandukisi mbekanyamushumo Yawe na kathihi, tshifhinga tshothe U fanela u dzula na zwe A thoma nazwo. Ndi ngazwo ri tshi nga kona u vha na vhufulufhelo kha zwine A amba, Ha koni u shanduka. Arali O tshidza muthu ngauri a vha na lutendo kha Mudzimu, muthu a tevhelaho u ḋo tea u tshidzwa nga ndila yo raloho.

⁸⁷ Musi Mudzimu o ita fhethu he A vha a tshi ḋo kona u ita vhułama na tshivhumbwa Tshawe, Adamu o lingedza u ita ndila ene mune, huno o diitela maṭari a muhuyu na a mufumakadzi wawé, u ita dzifasikoti. Mudzimu o zwi landula. Huno Mudzimu a dzhia tsheo ya uri ndi kha mbekanyamushumo-de kana uri U do ḫangana na muthu kha theo-de huno a vha na vhułama nae, huno iyo yo vha i malofha o shuluwaho. Huno Ha athu zwi shandukisa na kathihi.

⁸⁸ Zwino, sa Mumethodisi kha Mubaphuthisi, ri nga khađana. Fhedzi kha theo ya u vha Mumethodisi na Mubaphuthisi a ri na zwithu zwi fanaho, ndi khou kokodzela Mubaphuthisi huno inwi ni khou kokodzela Mumethodisi, kana nga iyo iñwe ndila. Fhedzi hu na theo nthihi ine vhatendi vhothe vha nga ḫangana khayo, iyo ndi phasi ha Malofha o shuluwaho. Afho ndi hone

hune ra ḥangana huno ra vhetshela thungo izwi zwithu zweithe. Ngauralo ri nga si kone u dzhena roṭhe kha dzangano ḥithihi, izwo ri nga si kone u zwi ita.

⁸⁹ Aya madzangano maṭuku, ndi elekanya uri Mudzimu o vha e khao, eneo othe. Fhedzi vhathu...ngauri ro fhambana. Munna muñwe na muñwe u vhona nga ndila yo fhambanaho, muthu muñwe na muñwe u vhona nga ndila yo fhambanaho, a hu na ḥalukanyo mbili dzine dza tou fana kokotolo. A hu na vhathu vhavhili vha no fana tshoṭhe-tshoṭhe, vha ima kha ḥeneļo; a hu na ningō mbili, a hu na vhukando ha magunwe vhuvhili. Ni a vhona, ro itwa nga ndila yo fhambanaho, nga iyo ndila ri tea u vha na zwigwada zwe fhambanaho.

⁹⁰ Fhedzi tshifhinga tshoṭhe Mudzimu u shuma na muthu muthihi. Ha ni tshidzi ngauri ni Mumethodisi; Ha ni tshidzi ngauri ni Mubaphuthisi; Ha ni tshidzi ngauri ni Mupentekosta. U ni tshidza ngauri O no shumana na *inwi!* Huno ni tshidzwa kha iyo theo, ya uri no Li ḥanganedza. Ngauralo-ha Mudzimu o kona u shuma na inwi. Ha shumi na inwi nga nzudzanyo ya tshivhidzo Tshawe, U shuma na inwi sa muthu muthihi.

⁹¹ Ngauralo-ha musi Mudzimu o rumela vhaporofita Vhawe, vhađinda Vhawe vha Testamente, O amba na munna muthihi, huno uyo munna o do tea u disa Mulaedza. Vhařwe vho mu furalela, huřwe na huřwe, a tshi disa Mulaedza wonoyo muthihi. Fhedzi ho do tea u vha na ofisi khulwane nthihi. Tshifhinga tshoṭhe Mudzimu o vha nayo. Ndi a livhuwa ngauri U nayo madekwana a ḥamusi; iyo ndi Muya Mukhethwa, a hu na zwiřwe, roṭhe ri a ḥivha. Zwino, hu si tshinwe tshigwada, fhedzi Muya Mukhethwa ndi Ofisi Khulwane ya Mudzimu. Uyo ndi Muđinda wa Mudzimu wa awara.

⁹² Zwino, ndi mini, kha muporofita ane Ipfi la da tshifhinga tshoṭhe, arali e muporofita wa ngoho wa Ipfi, Mudzimu u khwathisedza Ipfi Lawe nga uyo muporofita.

⁹³ Zwino, ho no vha na vhaporofita vhanzhi vha khole-khole, ro vha navho tshoṭhe kha zwikhathi. Ri humela murahu kha Testamente Ndala, ra vha vhona vha tshi vuwa huno vha amba nga Dzina la Murena, huno zwe vha—zwi si zwone. Mudzimu ho ngo vha na mushumo nazwo. Na kathihi Ha khwathisedzi tshithu nga nnđa ha Ipfi la Ene Muñe. Nga iñwe ndila, O vha a si nga iti mushumo Wawé nga u ralo. Ni a vhona?

⁹⁴ Inwi itonu elelwa, Mudzimu u khwathisedza Ipfi Lawe fhedzi! Huno muporofita wa ngoho fhedzi u...Huno ndila i yoṭhe ine ni nga amba uri kana ndi wa ngoho kana hai, ndi nga Ipfi. Iyo ndi ndila ya u mu haṭula.

⁹⁵ Zwino arali ni tshi dzhiela nzhele, vhunga mađuvhani a musi—musi Mika, henengei ho takuwa vhaporofita vha Vhaheberu vha mađana maña, phanda ha Ahaba na Josafati,

huno a ri, "U RALO MURENA, 'Gonyani huno ni kunde.'" Zwa vhukuma vho vha vhe kha ngoho. Zwenezwo Mika a vhidzelwa vhuponi, uyo we vhothe vha vha vha tshi mu vhenga. Zwino, ho vhonala hu tshi nga arali... Vhaporofita vha Vhaheberu vha madana mana (a—a thi khou amba vhaporofita vha Baali) vho ima vhe na mbilu nthihi, huno vha ri, "Gonyani u swika Ramothe-gileada, Murena u do ni fhatutshedza huno ni do kunda." Huno avho vhanna vho vha vha si vhahoi, vho vha vho tujuwedzwa vhukumakuma! Fhedzi havho...

⁹⁶ Zwenezwo ndi ngani uyu muthu mułuku muthihi a tshi dzhena nga dzina la—la Mika, we a vha e murwa wa Yimila, huno a vhuya nahone a porofita zwo fhambanaho navho? Zwino, izwo zwo toda tshivhindi, zwo toda thovhedzo. Ni a vhona? Fhedzi o diw̄ha hani uri o vha e kha zwi re zwone? Arali no vha no ima henengei, no vha ni tshi do zwi diw̄ha hani? Ndila i yothe ine ni nga ita, ndi u dzhia zwine uyo munna a amba huno na zwi vhambedza na Ipfi. Ni a vhona? Zwino, Mika o vha o tou kokotolo na Ipfi, ngauri Eliya, uyo muporofita muhulwane we a vha e na Ipfi la Murena, o vha a tshi kha di bva u sema Ahaba na Jesebēle na vhothe. Ni a vhona? Huno Mudzimu o vha a tshi nga rembuluwa hani huno a fhatutshedza tshe samba la vha li khatsho? Ni a vhona, ngauralo zwi tou vha zwi songo kona u shuma.

⁹⁷ Zwino, ri wana uri Mudzimu u khwathisedza Ipfi Lawe. Ipfi la muporofita, arali e muporofita, zwenezwo li... u amba u ya nga Ipfi. Bivhili yo amba huñwe fhethu, ya ri, "Arali vha sa ambi u ya nga mulayo na vhaporofita, a hu na Tshedza khavho." Zwenezwo vhidzani... Zwenezwo uyu mudinda u vhidza Avho vho vhidzwaho. U ima na Ipfi la Mudzimu, u sumbedza uri u kha zwi re zwone.

Dzhielani nzhele, dzhielani nzhele, zwino ri do vhidza vhabvumbedzwa vha si gathi ngomu huno ra thetshesela.

⁹⁸ Noaxe o vha e thanzi ya Mudzimu ya tshifhingani tsha vhufhelo ha phanda ha muđalo. Zwino, vhonani uri mulaedza wawe wo vha wo fhambana hani na shango lothe la phanda ha muđalo. Mulandu, uyo munna o vha a tshi dzhiwa sa munna a pengaho. Mulandu, yawe... Fhedzi, naho zwo ralo, o vha e na Ipfi la Murena kokotolo. Zwino, Mudzimu o amba zwauri Ho "ngo kona u kondelela tshivhi," ngauralo O... musi vhatu vha tshi thoma u ita tshivhi, zwenezwo Mudzimu o tsela fhasi huno Noaxe a rera mulaedza wa tshifhingani tsha vhufhelo. Naa ho vha hu lini? Tshifhinga tsha vhufhelo tshi sa athu swika, uyu mudinda o takuwa. Mudzimu o rumela uyu muporofita na mulaedza wa tshifhingani tsha vhufhelo. Huno o sewa, a holedzwa, ha tambiwa ngae, huno o tou tshidza fhedzi vha muña wawe. Izwo ndi zwone. A hu na we a vha a tshi do mu tenda. Fhedzi o vha e na mulaedza wa tshifhingani tsha vhufhelo. Zwino, vhothe vhe vha si tende vho latwa, huno

avho vhe vha tenda mulaedza vho tshidzwa. Mudzimu o vha nea Vhutshilo huno vha tshidzwa, huno avho vhe vha si Li tende vho xela.

⁹⁹ Zwino, ndi khou fanyisa tshiñwe tshithu. Dzhielani Mudzimu nzhele, uri O ita hani izwi luraru.

¹⁰⁰ Huno raru ndi nomboro yo fhelelaho ya Mudzimu. Mudzimu u khunyelela kha raru, vhunga, "Khotsi, Murwa, na Muya Mukhethwa," na "u itwa o lugaho, u khethefhadzwa, ndovhedzo ya Muya Mukhethwa." U a khunyeledzwa, ngauri *raru* ndi "khunyeledzo" Yawe. *Thanu* ndi nomboro ya "tshilidzi." Sumbé ndi... Nomboro ya "nduvho," *fumimbili*. *Fuina* ndi nomboro ya—ya "mutovholo." Huno *futhanu* ndi "mihuvho," nduvho. "Pentekoste" zwi amba *futhanu*. Huno, Mushe o lingiwa maðuvha a fuina, Kristo o lingiwa maðuvha a fuina, ni a vhona. Na izwo zwifanyiso zweþhe. Zwino, Mudzimu u khunyelela kha raru.

¹⁰¹ Hu na ndozwo tharu. Inwe yadzo, musi Noaxe a tshi ya *ngomu* ha gungwa; lwa vhuvhili, Loto o bvela *nnda* ha—ha Sodoma. Sedzani, Yesu o dovha a amba nga havho, "Sá zwe zwa vha zwi zwone maðuvhani a Noaxe na maðuvhani a Loto, zwi do ralo kha u ða ha Murwa-muthu." Sedzani! Muthihi o dzhena ngomu, uyo muriwe u bvela *nnda*, huno a tevhelaho u ya *ntha*. Uh-huh. Ni a vhona? Uh-huh. U dzhena *ngomu*, u bvela *nnda*, u ya *ntha*! Zwino, iyo ndi nzudzanyo ya Murena. Ni a vhona, Yesu o amba nga havho vhaporofita vhavhili. "Sa zwe zwa vha zwi zwone maðuvhani a Noaxe," ni a vhona, "nahone sa zwe zwa vha zwi zwone maðuvhani a Loto," Abrahamu e muporofita, "sa zwe zwa vha zwi zwone, zwi do ralo kha u ða ha Murwa-muthu." Ni a vhona, a tshi dovha a amba nga havho.

¹⁰² Zwino, Mushe, muñwe muporofita, magumoni a tshikhathi tsha Vhaegipita. Ri wana uri musi Mudzimu o vha a tshi khou yo phulusa vhathu Vhawe, huno Vhaegipita vho vha tovhola nga maðanda, nahone vho ita uri vhansei vha mushumo vha vha lange, vhañe vha vha lange, kha ndi ralo. Huno ngauralo zwenezwo ndozwo yavho i sa athu swika, Mudzimu, vhunga tshifhinga tshoþhe, O rumela muporofita e na Ipfi la Murena. Elelwani, muporofita o vha a tshi khou ðivhadza kokotolo zwi Mudzimu (miñwaha ya maðana izwo zwi sa athu swika, miñwaha ya maðana maña na zwithu izwo zwi sa athu swika) a fulufhedzisa Abrahamu, uri mbeu yawé i do dziilela shangoni lisili, fhedzi U do vha bvisa nga tshanda tsha maðanda. Ni a ðivha, tshiñakani tshi dugaho musi Mushe a tshi tangana na Mudzimu, huno A ri khae, "Ndo pfa zwililo zwa vhathu Vhanga, Ndo vhona matþupho avho, huno Ndi elelwa mulanga Wanga." A tshi khou elelwani Ipfi Lawe!

¹⁰³ Elelwani, U kha ði elelwa Ipfi Lawe! Ni a vhona? Ha kundelwi, U tea u ita tshithu tshenetsho tshithihi tshifhinga

tshiñwe na tshiñwe. Ndi ngazwo izwi ndi tshi zwi amba, u itela uri ri zwi dzhenise ḫhalukanyoni yanu nahone ra elekanya. Na inwi vhatu vhe na vha ni tshi lwala; no zwi dzhiela nzhele uri ndo ri vhe “na vha” ni tshi lwala.

¹⁰⁴ Zwino, dzhielani nzhele zwino, inwi vhatu nothe ni fanela u elelwa hezwi, zwauri Mudzimu ha koni u shanduka! Ndi Mudzimu a sa shandukiho. Zwifhinga zwi a shanduka, vhatu vha a shanduka. Mudzimu ha na magumo, Ha koni u shanduka! Tshawe... U fanela u dzula e a sa shanduki, mulovha, namusi, lini na lini, U fanela u dzula o ralo tshifhinga tshothe. Huno arali ri tshi tenda uri Hetshi ndi Ipfi la Mudzimu, ri nga vhea vhufulufhelo hashu kha tshiñwe na tshiñwe tshe A tshi amba. Ni a vhona?

¹⁰⁵ Zwino, ni a vhona afho uri mulaedza Wawe u da hani, uri U rumela hani mulaedza Wawe. Izwo A nga si zwi shandukise, tshifhinga tshothe O zwi ita. U tea u dzula a sa shanduki tshifhinga tshothe. Iyo ndi ndila ine A do zwi ita tshifhinga tshothe. Zwino, elelwani, U zwi ita lini? Ndozwo dzi sa athu swika, henehfo magumoni a tshikhathi. Izwo ndi musi A tshi rumela mulaedza Wawe u vhidzela vhatu Vhawe nn̄da, (tshifhinga tshothe vha a vha vanganya), huno ngevha vha a da.

¹⁰⁶ Zwino, maduvhani a Mushe, vhatendi vho vha vho tshidzwa, vha sa tendi vho lovha.

¹⁰⁷ Uyo we a tenda mulaedza wa Mushe u bvaho ha Mudzimu, zwino, vho vha vha tshi do vha vha songo zwi ita nn̄dani ha musi Mushe o vha a tshi do vha o khwathisedzwa nga Mudzimu nahone a tshi khou sumbedza uri Ipfi la Mudzimu lo vha li nae. Izwo two mu ita muporofita. O bvela afho nn̄da huno a ri, “Matshelo, nga tshino tshifhinga, ni do vhona *tshikenenene* tshi tshi itea.” Nga la matshelo, zwa itea. Zwa vha zwenezwo fhedzi. Muporofita muñwe na muñwe wa ngoho wa Mudzimu a no amba nga Dzina la Murena u do zwi ita. “Huno zwi do khunyelela zwauri *mukenenene* u do vha hone. Ndi khou ya ha Farao, fhedzi u do rindila, u do vha na mbilu yo rindilaho. U do amba uri u do ri tendela fhedzi ha nga zwi iti.” Huno, zwa khunyelela. Ni a vhona? Mulandu? Zwenezwo vhatu vha dīvha uri uyu munna o ruñwa a tshi bva ha Mudzimu. Huno zwenezwo vha thoma u vhona uri Mudzimu o mu fhañtushedza, huno vha mu hulisa nahone, musi vho no ralo, zwithu zwiñlulwane zwa itea.

¹⁰⁸ Huno vhatu vhe vha sea huno vha tambo ngae nahone vha si ḫanganedze mulaedza wawe, vha lovha khathihi na vhañwe vha sa tendiho.

¹⁰⁹ Fhedzi vhatendi vho bva huno vha dzhena shangoni lo fulufhedszwaho, vho ya vhe na mulaedza wo ñoliswaho wa mudinda. Wo vha u mulaedza wa phuluso, we Mudzimu a fulufhedsiza uri U do ñisa vhatu Vhawe kha shango li elaho

mukhaha na mutoli. Huno zwo bvelela, ngauri Mudzimu o vha o no di amba nga u ralo, huno Mushe a da nahone a khwaθisedza sa mudinda wa ilo ḫuvha.

Zwino, hezwo zwi zwi disa khagala tshoθe kha riñe.

¹¹⁰ Zwo luga, zwenezwo ri wana uri Mushe o ḫivhadzwa nga ndila i re yone.

¹¹¹ Huno zwenezwo hu tshi tshintsha tshikhathi, tshifhinga tshi a da tsha...vhukati ha mulayo na tshilidzi. Ho do tea u da tshifhinga tshe uyu Mesia o ambiwaho a do da. Ri wana uri tshifhinga tshe vhathu vha vha vho no shandukisa mulayo, woθe vha u ita uri u vhe fhasi ha tshigwada tshihulwane tsha tshiñwe tshithu, huno vha vha vhe na tshakha dzoθe dza—dza maitele a muthu, e vha a ḫavhela ngomu. Kha u tshintsha ha tshifhinga Yesu a da, muñwe muporofita, muporofita wa Mudzimu.

Zwino, inwi ni ri, “O vha e si muporofita.”

¹¹² Bivhili yo ri O vha e ene. “Murena Mudzimu wanu u do vusa Muporofita a no nga nñe.” O vha e muporofita wa Mudzimu, kha u tshintsha ha tshifhinga vhukati ha mulayo na tshilidzi, zwe A zwi amba kha iyi miñwaha yoθe. Nga murahu ha musi O no ñea Mushe mulayo, zwenezwo kha u tshintsha ha tshifhinga, musi O ri zwi do itwa, zwenezwo U vhuyeleta kha tshilidzi. Huno O rumela Muporofita a tshi porofita nga ha tshifhinga. Zwino—zwino, vhatendi, O vha kuvhanganya; vha sa tendi vho lovha nga ḫuvha ḫawe. Vhoθe vho tendaho Khae vho tshidzwa; vhoθe vhe vha si tende mulaedza Wawe vha xela.

¹¹³ Izwo ndi zwone kokotolo zwe zwa itea mađuvhani a Noaxe; izwo ndi zwone zwe zwa itea mađuvhani a Loto; izwo ndi zwone zwe zwa itea kha mañwe mađuvha, mađuvha a Mushe; izwo ndi zwe zwa itea mađuvhani a Yesu Kristo. Ngauri vho nyadza mulaedza huno vha lovha, huno avho vho tendaho mulaedza vha xela...kana vha tshidzwa.

¹¹⁴ Zwino, zwino, zwenezwo ha dzhena tshifhinga tsha tshivhidzo. Ro tshila murahu tshifhingani tsha Noaxe, muđalo u sa athu da; ri dzhena kha tshifhinga tsha mulayo; zwenezwo ra dzhena kha tshifhinga tsha tshilidzi, tshivhidzo. Huno zwino tshifhinga tsha tshivhidzo tshi khou fhela. Izwo roθe ri a zwi divha.

¹¹⁵ Zwino, arali Mudzimu o ita *tshino-na-tshila* kha tshila tshifhinga, kha izwo zwiñwe zwifhinga zwivhili, U tea u dzula a sa shanduki nahone a ite zwi fanaho kha tshino tshifhinga, ngauri O amba uri U do zwi ita. Ndi do zwi sumbedza nga miniti i si gathi, nga Ipfi, uri O amba uri U do zwi ita. Zwino, A nga si kone u shandukisa mbekanyamushumo Yawe, U Mudzimu. Dzhielani nzhele zwe A ita kha izwo zwifhinga.

¹¹⁶ Zwino ri da kha tshifhinga tsha vhufhelo tsha tshifhinga tsha tshivhidzo. Izwo ndi zwe nda vhala madekwana a ñamusi:

. . . hu ḋo vha Tshedza nga tshifhinga tsha
nga madekwana.

¹¹⁷ Ro vha na tshifhinga tshinzhi tshi sa vhonadzi, fhedzi hu ḋo ḋa Tshedza. Murwa onoyo muthihi we a ḋa huno a shandukisa tshifhinga zwenezwo, u ḋa hafhu! Uho hu ḋo vha u bva kha liphasi u ya kha Vhugala. Ri ḋo dzhena khaho. Nga tshinwe tshifhinga ro dzhena *ngomu*, tshinwe tshifhinga ra bvela *nnda*, huno nga tshino tshifhinga ri ya *n̄tha!* Ni a vhona? Zwo luga: *ngomu*, *nnda*, *n̄tha*. Ri khou ḋa tshifhingani tsha vhufhelo. Nahone a ri khou tou ḋa fhedzi, ro no ḋi swika. Ri kha tshifhinga tsha vhufhelo!

¹¹⁸ Naa Mudzimu u wanani nga tshino tshifhinga tsha vhufhelo? Mudzimu nga tshino tshifhinga tsha vhufhelo u wana kokotolo tshe A tshi wana kha zwinwe zwifhinga zwa vhufhelo, u sa tenda! Tshifhinga tshoṭhe O vha zwenezwo, Ene, musi A tshi ḋa, U—U wana u sa tenda. U wana uri mbekanyamushumo ye A i vhetshela vhathu . . .

¹¹⁹ Murahu henengei tshifhingani tsha Noaxe, arali vho vha vha tshi ḋo vha vho tshila u ya nga ndaela Dzawe, vho ḋekedza zwīghavhelo . . . Vho zwi furalela. Musi A tshi ḋa, O wana heli, lauri itsi tshithu tshi khou shuma nga ndila yo khakheaho.

¹²⁰ O ita tshithu tshenetsho tshithihi musi A tshi da kha liphasi, O wana vhathu na Vhafarisei, na vhañwe-vho, vho fara mulayo. Naa vho vha vha tshi khou itani? Vho vha vha si na u fulufhedzea khazwo na luthihi, vha tshi sokou ya phanda huno vha zwi ita nga inwe ndila ya kale, huno “Tenda vho vha mirado ya tshivhidzo, huno izwo ndi zwenezwo fhedzi zwe vha ṭoda.” Huno izwo ndi zwe A zwi wana.

¹²¹ Huno izwo ndi zwe A zwi wana hafhu! U wana zwenezwo zwithihi, vhathu a vha shanduki. Ngauralo arali O rumela mbekanyamushumo Yawe huno vhathu heneffo vha sa i tende nahone vha lovha, vho i tenda nahone vha tshila, (zwino, kha idzo mbili), dzi tea u fana kha tshino tshifhinga. Dzi tea u fana. Hai . . .

¹²² Tshifhinga tshoṭhe yo vha nndwa kha muđinda u fhandekanya ndala kha ntswa. Tshifhinga tshoṭhe yo vha iyo nndwa, kha—kha muđinda a no khou dzhena u fhandekanya ndala kha ntswa, naho tshifhinga tshoṭhe mulaedza u tshi fanela u vha wa Luñwalo, zwino, ngauri luñwe na luñwe lwo bvumba u ḋa ha muñwe.

¹²³ Zwino, kha ri dzhie, sa tsumbo, Yesu. Nga ndila ye zwa vha zwi tshi kondà, uri Ene a dzhene huno a shandukise mulaedza u tshi bva kha mulayo wa ya kha tshilidzi. Naho zwo ralo Bivhili yo amba uri u do ḋa nga heyo ndila, “Hu ḋo ḋa me—Mesia, huno tshithavhelo tsha ḫuvha na ḫuvha tshi ḋo ḫuwiswa.” Huno ri a zwi ḫivha uri zwo porofitwa nga kha vhaporofita. Tsho vha tshithu tshihulwane-de Khae u ita

hezwo. Fhedzi ri wana uri O zwi ita. Nahone uyo...O zwi ita nge Luñwalo lwa amba, huno vhatendi vha iñó ñuvha (vha no sokou pfi vhatendi) zwa vhukumakuma vho vha vha si nga tendelani Nae.

¹²⁴ Vhonani vhaña Vhafarisei, Vhasadukei, vho vha vhe na maitele avho hunó a hu na ane a khou yo vha bvisa khao. Izwo ndi zwe vha zwi tenda, mme avho vho zwi tenda hezwo, khotsi avho vho zwi tenda hezwo, na makhulu vha munna vhavho, makhulu vha musadzi vho zwi tenda hezwo, huno "Mushe o ralo!" Fhedzi Mushe onoyo muthihi we a nea mulayo o vha e onoyo Mushe muthihi we a ri hoyu Muthú u ñó ñá, huno vho kundelwa u zwi limuwa ngauri vha na Ipfi ja Mudzimu ja ngoho kha maitele huno vho no ñutshela mulayo muhulwane wañó. Huno zwe ñó tea u vha nga heyo ñjila.

¹²⁵ Dzhielani nzhele, muñwe na muñwe o amba uri muñwe u ñó ñá. Muñwe na muñwe wa vhañinda, nga murahu ha mulaedza, o bvumba uri u ñó ñá. Zwino, fhedzi vhatu tshifhinga tshothe vha dzhia mulaedza wa ñuvha we vha vha vhe nawo, vha u vhekanya.

¹²⁶ Kha ri u kwashékanye, zwiñukunyana uri u pfale, kha ri sedze Luther. Musi Luther o rera u itwa o lugaho nga lutendo, o vha e muñinda, muruñwa wa itsho tshikhathi tsha tshivhidzo, zwe luga, wa Tshikhathi tsha Tshivhidzo tsha Saradesi. Zwino, dzhielani nzhele, musi a tshi rera, o vhea Vhañutere ngonani. Zwino, zwenezwo, hafha Luther a ñuwa a tshi khou phadaladza. Huno musi Wesley a tshi dzhena, Tshikhathi tsha Tshivhidzo tsha Filadelfia, e na mulaedza wa u khethefhadza, mulandu, Luther zwe mu kondela u vhona hezwo. Vhañutere vhone a vho ngo zwi tenda.

¹²⁷ Huno zwenezwo musi Wesley o ita uri vha khuthale vhoñthe kha Vhukhethwa ha Mufhiri na Mumethodisi O Vhopholowaho, na zwiñwe-vho, kha u khethefhadzwá, huno ha ñá mulaedza wa Pentekostala, mulandu, Mumethodisi zwe mu kondela u tenda hezwo. Uh-huh, ngoho, zwe vha zwe ralo. Ni a vhona, ndi...

¹²⁸ Naho zwe ralo muñwe u amba nga ha muñwe, hu tshi ambiwa nga ñjila ya Luñwalo. Enokho o amba nga ha ndozwo dzi no khou ñá, nga u takulelwa hawe ñadulu, Mudzimu a tshi mu isa hayani; o vha e ñhanzi. Abrahamu o vha vhudza nga ha Mushe. Huno Mushe o amba nga ha Mesia. Ni a vhona, vha dzulela u amba, muñwe kha muñwe. Mesia o amba nga ha tshino tshifhinga, a tshi amba uri itshi tshi ñó vha mini!

Inwi ni ri, "Ah, Mukomana Branham!"

¹²⁹ Oo, ee, O ita! Kha ri tou...ndi na Mañwalo manzhi o ñivalwaho hafha, huno ndi ñó tou amba nga ha mavhili kana mararu ao. Kha ri dzhie Mateo 24. Zwino kha ri dzhie Mateo, ndima ya 24, huno ri vhale zwe A amba heneffo uri

zwi do itea, nga ndila ine “Tshakha dza do vutshela lushaka.” Fhedzi, elelwani, Û mbo di tsela heneffho fhasi huno A ri, “Sa zwa zwa vha zwi zwone mađuvhani a Noaxe, nahone sa zwa zwa vha zwi zwone mađuvhani a Loto, zwi do ralo kha u da ha Murwa-muthu.” O zwi bvumba, O buluuri izwi zwithu zwi do bvelela!

¹³⁰ O ri, “Zwino, musi izwi zwevhe zwe vha zwi tshi khou bvelela, tshifhinga a tshi athu swika,” na zwiñwe-vho. Fhedzi a ri, “Gudani tshifanyiso tsha muhuyu, musi u muswa nahone thavhi dzi tshi tuma lurere, na miñwe miri yoþhe, zwenezwo ni a ðivha uri tshilimo tshi tsini. Na zwenezwo, musi ni tshi vhona izwi zwi tshi khunyelela, ðivhani uri tshifhinga tshi tsini, nahone muñangoni.” Zwino, musi ni tshi vhona mini? Muhuyu u tshi tunga, na miñwe miri yoþhe i tshi thoma u tunga, tsho vha tshi tshiga. Huno tshifhinga tshoþhe Israele yo vha muhuyu.

¹³¹ Nahone Juele o porofita nga hazwo, “Zwe tshivhungu tsha sia, nzie yo la nahone ya gwela itsho tshithu fhasi. Fhedzi Mudzimu o fulufhedzisa, ‘Ndi do vhuyedzedza, Murena u ralo.’” Huno U do zwi ita. Fhedzi A sa athu vhuyedzedza itsho murahu kha nyimele yatsho ya muya, tshivhidzo tsha Vhannda tshi tea u bviswa. A nga si vhe na vhuvhili hazwo nga tshifhinga tshithihi. Zwino, ni nga si ite Mañwalo uri a dishande nga u ralo. Ni a vhona? Na kathihi Ho ngo vha na thanzi mbili nga tshifhinga tshithihi, thanzi khulwane, nahone na kathihi Ho ngo vha na—na kathihi Ho...Ha na Zwivhidzo zwivhili nga tshifhinga tshithihi.

¹³² Dzhielani nzhele, arali tshivhidzo tsha Vhannda tshi tshi tea u tuwiswa u thoma, u itela Vhayuda, zwenezwo vhufhelo ha vhege dza Fusumbe dza Daniele vhu a itea. Miñwaha miraru na hafu Mesia o porofita, huno A mbo tumulwa, Mukololo, vhukati ha vhege ya vhufusumbe. Huno, zwenezwo, hu kha di vha na vhege tharu na hafu dzo salaho. Huno ri wana vhaporofita vhavhili vha Nzumbululo (na kathihi Ha shandukisi nguvho Yawe hafhu), vha Nzumbululo 11, vha a tsa huno vha porofita kha Vhayuda. Zwino, Tshivhidzo tshi do dzhiwa nga itsho tshifhinga.

¹³³ Huno ri vhona Israele, lwa u thoma lwa miñwaha ya mađana o vhalaho, kaþukuþuku u fhira miñwaha ya zwigidi zwivhili, zwino yo no vha lushaka; mmbi yayo yone iné, tshelede yayo yone iné. Israele i shangohaya; lushaka lwa yone iné, fulaga yayo, i muraðo wa Khoro ya Dzitshakha. I lushaka! Mulandu, ndi tshiñwe tsha zwiga zwiulwanesa zwe ra vha ri tshi nga zwi elekanya, zwa zwino, Israele ngomu ha shangohaya yayo. Huno Yesu o ri, “Ulu lushaka lu no vhona Israele i tshi humela murahu kha shangohaya layo a lu nga lovhi u swika zwevhe zwe no khunyelela.” Ni a vhona, O amba nga ha heli duvha.

¹³⁴ Kha ndi tou nea iñwe. Kha Timotheo Ya Vhuvhili 3, O amba nga ha tshivhidzo tshifhingani tsha vhufhelo, a ri, “Vha do dihudza, vhadzia-u-łonga, vhane vha funa zwa madakalo u fhira u vha vha funaho Mudzimu.” Vha dzhia shango la tshivhidzo, vha li langa, “vha no funa madakalo u fhira u vha vha funaho Mudzimu,” dzulani hayani nahone ni sedze mbekanyamushumo ya thelevishini ni sa athu ya mułanganonni wa thabelo vhusiku ha Łavhuraru.

Inwi ni ri, “Uyo ndi Mubaphuthisi.”

¹³⁵ Avho ndi Vhapentekostała! Ngoho! Ee, muñe wanga. Oo! “Vha no dihudza, vhadzia-u-łonga, vhane vha funa zwa madakalo”; vha vhea Ipfi heneffo fhasi ha ningó dzavho, vha si vhuye vha Li sedza. Uh-huh. “Vhane vha funa zwa madakalo u fhira u vha vha funaho Mudzimu”; na vhudza vhasadzi uri vha songo fhungudzela mavhudzi avho, naho two ralo vha a a fhungudzela. Uh-huh. “Vhane vha funa zwa madakalo u fhira u vha vha funaho Mudzimu, vha sa vhofhiwi navho fhungo la vha hone, vhasumeleli, vha sa dvhofhi, na vhanyadzi vha avho vho lugaho. Vha re na . . .”

Inwi ni ri, “Avho ndi vhadzia-u-sa-tenda uri Mudzimu u hone.” Hai!

¹³⁶ “Vha re na tshifanyiso tsha u nga vha ofha Mudzimu, fhedzi Maanda aho vha tshi a landula,” Maanda ane a nga kona u ni phulusa kha iyi sisteme ya shango i dinaho, ya zwino. “. . . Maanda aho; vho raloho sendela kule havho.” A hu londwi uri vhańwe vhathe vha ri mini, ndi inwi sa muthu muthihi phanda ha Mudzimu, ni tea u fhindula. A hu londwi zwine uyu musadzi a ita kana zwine uyo musadzi a ita, kana, zwine uyu munna a ita kana zwine uyo munna a ita, kana, zwine uyu mureri a amba kana zwine uyo mureri a amba; ndi inwi na Mudzimu. “Vha re na tshifanyiso,” u ya nga maitele, “fhedzi Maanda aho vha tshi a landula; vho raloho sendela kule havho.” Naa ri khou tshila kha ilo ćuvha? Ri na ngoho ya uri ri ralo!

¹³⁷ Sedzani hafhu kha tshikhathi tsha u fhedza tsha tshivhidzo. Muya Mukhethwa, Yesu Ene muñe, “Nne Yesu ndo rumela muruńwa Wanga uri a ćanziele nga ha izwi zwithu.” Huno Nzumbululo, ndima ya 3, i khou amba nga ha itshi tshikhathi tsha tshivhidzo, Yesu a tshi khou nea vhuńanzi ha zwine zwa do itea mađuvhani a u fhedzisela, O ri, “Tshivhidzo tshi do pfuma, Laodikea, U dudela,” tshi kona u tou fhufha u mona hothe lwo edanaho musi muzika u tshi khou tambo lwa u ćavha mukosi. Ni a vhona? Izwo ndi zwone. Fhedzi u itela vhuńanzi na vhutshilo vhu no do tanzwea, tshi kule nazwo.

¹³⁸ A thi...ndo vha ndi sa nga ni vhaisi nga fhedzi, fhedzi a si kale-kale ndo vha na bono la u vha Pharadisoni ya Mudzimu.

A hu na tshine ndi nga amba nga nn̄da ha u ni vhudza Ngoho. Mudzimu, farisa riñe vhashumeli u vha vha fulufhedzeaho kha izwi zwithu nahone ri ambe Ngoho!

¹³⁹ Ni a vhona, “...?... u rothola,” Bivhili yo ri vha do vha nga heyo ndila, ngauralo vha khou yo vha nga heyo ndila. Arali two kwama Luther lwo fhelelaho, two tshi kwama lwo fhelelaho nga... kha Tshikhathi tsha Filadelfia tshi na Wesley, tshi tea u zwi amba huno tsha vha tsho fhelelaho... Yo zwi amba, huno zwi do vha nga ndila heyo kokotolo kha Laodikea.

¹⁴⁰ “Tsho pfuma, a tshi tod̄i tshithu!” Ri nga di shumisa bilioni dza dolara kha zwifhafo, ri nga di vhea tshiñwe na tshiñwe tshine tshiñwe na tshiñwe—tshine tshiñwe na tshiñwe... tshitakadzi tsha shango, ri nga di fhaña zwivhidzo zwavhudisa. Izwo two luga, a hu na tshithu, itsho tsho luga lwo fhelelaho.

¹⁴¹ Fhedzi ndi khou lingedza u ri, musi Mulaedza u tshi thoma u ya nga hangei khavho, a vha ni tod̄i. “Ni muthu a sa shumei nae! Ni wa vhusweleli ho kalulaho! Ni tea u vha no tshila miñwaha ya futhanu yo fhiraho.” Ni a vhona? Oo, ni nga di elekanya uri, “Ndo vha ndi si nga vhi na mufunzi o raloho.” Ndi mufunzi wanu, naho two ralo! Jesebele o vha a si nga tendi na kathihi uri uyo Eliya o vha e mufunzi wawe, fhedzi nga ngoho o vha e ene. Žwa vhukuma o vha e ene. O vha o ruiwa, e tsumbo, muñinda kha lushaka lwa Israele. Huno ñamusi Muya Mukhethwa wa vhut hogwa na Ipfi la Mudzimu ndi Mudinda kha tshivhidzo, u vha lulamisa na u vha vhuyedzedza kha Ipfi. Ri a Li amba, fhedzi ni a vhona a hu na a no sudzuluwa. Uh-huh, ni a vhona, ri ita uri izwo zwithu zwi whilingane nga maanda.

¹⁴² Ndo pfa muñwe, vhunga kha vhutanzi, a tshi ri, “Mu takuleleni nthā, ni Mu takulela hani nthā?” Huno, oo, itonu wana dzisisteme thukhu! Muñwe o ri, “Fhatuwani ni rabele, izwo zwi amba uri musi ni tshi rabela dzulani no vula ito lithihi, ni sedze nga liniwe. Fhatuwani ni rabele.” (Mulandu, *u sedza* zwi amba “*u sedza u da ha Murena*,” nahone ni rabele.) Ni a vhona, hu tou vha u monisa tshithu.

¹⁴³ Ngauralo-ha, kha hezwo, naa ri itani? Ri ita maitele mañuku ashū (huno zwenezwo arali...) kana o itwa nga kuitele kwa Mudzimu kana hai. Huno ri a bva, tshithu tsha u thoma ni a ñivha, ri na tshigwada tshituku tshi no khou ri tevhela, huno ri tshi vha kokodzela kule ha muvhili muhulwane wa tshivhidzo. Izwo ndi zwone. Vhudzuloni ha u dzhena na u rabela na u tandulula itsho tshithu, huno ra tendela muvhili u tshi sudzuluwa, ri ita hezwo zwithu kana two fhaña kana hai. Arali ni na Ngoho, zwenezwo kwambatelani Ngoho. Izwo ndi zwone kokotolo. Fhedzi litshani zwi vhe Ngoho ya Bivhili u thoma! Dzhielani nzhele, nga...itshi tshikhathi tsha Laodikea.

¹⁴⁴ Na vhaporofita, kana Muya Mukhethwa u tshi khou amba nga kha Paulo, we wa vha u Mesia. Ho vha hu si Paulo, ho vha hu Kristo! “Mudzimu, zwifhingani zwa kale na nga ndila dzo fhambanaho o amba na vhokhotsi nga kha vhaporofita, kha lino ḫuvha la u fhedzisela nga kha Yesu Kristo,” Vhaheberu 1, dzhielani nzhele, Muya Mukhethwa, Kristo, Mafhungo-madifha a re a Kristo, Ipfi li re la Kristo. Huno arali Li la Kristo, nahone la khwathi-... Mudzimu u do Li khwathiasedza uri ndi Ngoho.

¹⁴⁵ Ndi ngazwo inwi vhatu vha Pentekoste ni tshi ṭanganedza Muya Mukhethwa nga lutendo lwa Methodi-... tshifhantuwo tsha u khethefhadzwa ha Methodisi, ngauri no vha ni tshi tou vha kokotolo kha Ipfi.

¹⁴⁶ Ndi ngazwo inwi Mumethodisi no khethefhadzwa musi Vhaluṭere vha songo tenda khazwo, no vha ni kha Ipfi.

¹⁴⁷ Iyo ndi ndila ye inwi Vhaluṭere na tshidzwa ngayo, na itwa vho lugaho, nge mudinda wanu a rera u khethefhadzwa, huno a gwalabela tshivhidzo tsha Kaṭolika tshe tsha vha tshi si tsha vha tsumbo kha zwoṭhe. Vho tou tenda kha tshivhidzo; inwi no vhuyelela kha Bivhili, huno no dzhia iyo ngoho ya Bivhili na farelela khayo.

¹⁴⁸ Huno zwenezwo ha da Wesley e na inwe ngoho, huno a farelela khayo; ha da Pentekoste i na inwe ngoho, huno ya farelela khayo; zwenezwo arali ni tshi nga farelela kha heyo huno na vhona uri ndi yone, ndi ngani ni sa dzhii tshithu tshoṭhe tsho sumbedzwaho uri ndi tshone? Tshi tendeni tshoṭhe!

¹⁴⁹ Zwino, musi ri tshi vhona havha vhađinda, ri a ḫivha-ha. Ri vhona Kristo, muporofita wa Mudzimu muhulwané a tshi khou bvumba uri izwi zwithu zwi khou do bvelela mađuvhani a u fhedzisela. U khou itani? U khou dženisa marangaphanda a tshifhinga tsha tshiliňwa. U khou dženisa marangaphanda a tshifhinga tshine tshiliňwa tsha khou yo kan̄iwa, zwine zwa do vha zwone mađuvhani a u fhedzisela. Ni a zwi vhona?

¹⁵⁰ Zwino, izwi zwithu zwi do vha hone mađuvhani a u fhedzisela. Ri a ḫivha lushaka lwa tshiliňwa lune ra khou lu ḫoda. Ri khou ḫoda tshivhidzo tshe tshiňwe tshifhinga tsha vha na Tshedza, tsha Tshi furalela, tsha ya kha lunako lwa shango, lwo pholishiwaho (naa izwo ndi zwone?), tshi tshi khou ḫuwa, tshi tshi khou dzhia luňwe lushaka-vho lwa murado, na tshinwe na tshinwe, nahone tshi tshi khou tshi vhidza Vhapentekostaļa, vha lovhedza tshiňwe na tshiňwe.

¹⁵¹ Mađi ha tshidzi muthu. Zwi dzhia Malofha a Yesu Kristo. A hu na Vhutshilo mađini. Vhutshilo vhu dzhena kha sele ya Malofha; zwi dzhia u khethefhadza u ḫanzwa uvho vhutshilo, u vhulaha lutamo lwa tshivhi; zwenezwo Muya Mukhethwa u dzhena kha iyo midzio yo kunaho nahone wa i vhetshela thungo kha mushumo, tshumelo. Alitari yo khethefhadza

mudzio, fhedzi . . . u ɖadzwa hawo ndi tshe tsha u dzhenisa kha tshumelo. Wo vhetshelwa thungo *u itela* tshumelo, zwino u tea u dzheniswa kha tshumelo. Huno Muya Mukhethwa u dzhenisa tshivhidzo kha tshumelo. Ndo vha ndi tshi anzela u takalela ulwo luimbo luṭuku:

Vho vha vho kuvhangana lufherani lwa nga
n̥tha,
Vhothe vha tshi khou rabela nga Dzina Lawe,
Vho lovhedzwa nga Muya Mukhethwa,
Huno maanda a tshumelo a da. Ee.

Huno tshiñwe tshipida tshalwo tshi ri:

Zwe A vha itela zwone nga iļo ḫuvha
A nga ni itela lu fanaho. Ngoho.

¹⁵² Tshiliňwa; vhaporofita; ro ima heneffo kha Kristo. Zwino ri tou humela murahu zwiṭukunyana.

¹⁵³ Yesaya, muporofita, nga ndila ye a ḫanziela, o porofita nga ha tshifhinga tsha vhufhelo. O ri, “Muvhili wothe u do dala zwilonda zwi re na vhulwa, ɖafula iñwe na iñwe i do ɖala mañanza!” Mulandu, munna na vhasadzi ñamusi, vha dzhia tshilalelo, vha tshi khou dzula na vhasadzi vhavhili kana vhararu, kana vhanna vhavhili kana vhararu, (ndi zwone) tshakha dzothe dza . . . vha tshi khou daha dzisigarete, na izwo zwithu zwothe; vha tshi dzhena tshivhidzoni, vha tshi dzhia tshilalelo!

¹⁵⁴ Zwino, ndo vha ndi tshi nga ya fhasi zwiṭuku u fhira hezwo, fhedzi ndi do tou lindela lwa tshifhinganyana, khamusi a zwo ngo tou tea nga tshino tshifhinga. Ndo pfa ndo tou rovhedzwa zwiṭuku kha zwe nda vha ndi tshi khou yo amba. Fhedzi ndi . . . Ni nga di vhala vhukati ha mitaladzi. Ni a divha zwine Bivhili ya amba, zwithu zwine zwa vha zwa mađuvha na zwi si zwa mađuvha zwa vha zwone.

¹⁵⁵ Zwithu hezwi zwothe zwine ra zwi vhona zwi tshi bvelela-ha, na lushaka . . . saints i ri ndi . . . miñwaha miña kana mitanu yo fhiraho, “Ndi miniti miraru u swika vhusiku vhuhulu.” Israele i shangohaya ḫayo. Tshivhidzo tshi kha Laodikea. Yawee, npenñe! Naa ri khou ḫoda mini? Naa thaidzo ndi mini?

¹⁵⁶ Ri khou ḫoda Tshedza tsha nga madekwana. Oo, a thi ḫivhi, arali Tsho vha tshi tshi do da, arali ro vha ri Tshi do tshi limuwa? Kana Tsho vha tshi tshi do pfuka nga n̥tha hā ḫohoh dzashu vhunga zwe tsha ita murahu kha zwiñwe zwikhathi? A vha zwi ḫivhi na kathihi u swika tsho no ya kulesa.

¹⁵⁷ Ni a elelwa, vhala vhathu vha vhurereli vho vha vhone vhe vha vhulaha vhaporofita vhe vha rumelwa khavho. Yesu o ralo. O ri, “Inwi vhahoi!” Ha pfi, “Ni hulunga zwalo zwa vhaporofita, huno vhokhotsi aňu vho vha vhea ngomu heneffo nahone vha fhaṭa tshalo tshavho.”

¹⁵⁸ Sedzani tshivhidzo tsha Roma Katolika, yo hulunga tombo la Patrick Mukhethwa, tshi tshi hulunga tshalo tsha—tshalo

tsha Joan wa Arc. Vho vhulaha uła musadzi, nahone vha mu fhisa sa muloi, nge a vha e wa maya, nge a vhona mabono. Vho mu fhisa kha thanda, sa muloi. Nga murahu ha miňwaha ya mađana mavhili vha gwilula mivhili ya vhotshifhe huno vha i posela mulamboni, u diphanisha, vha tshi divha uri o vha e mulanda wa Kristo. Fhedzi, nga iļo duvha, a vho ngo divha uri o vha e nnyi, musi tshivhidzo tshi tshi khou fhira.

¹⁵⁹ Huno Tshi do ya nga n̄tha ha vhathu huno vha nga si Tshi limuwe na kathihi.

¹⁶⁰ Yesu, a vho ngo zwi divha uri O vha e Murwa wa Mudzimu u swika O no fa a swiťwa nahone a vuwa hafhu. Naa Petro ho ngo vha vhona mulandu nga Duvha la Pentekoste? “Inwi vhanna nga zwanda zwivhi no dzhia Mukololo wa Vhutshilo, na Mu vhulaha, no Mu vhulaha!”

¹⁶¹ Oo, ngafhadzo tswuku i taidzaho ya u da Hawe i fhasi! Amene! Ri kha vhufhelo. Amene. Iyo ngafhadzo tswuku i taidzaho i hothe-hothe, hothe-hothe, “Ichabod,” lo n̄walwa. Tshifhinga tsho fhela. Tshifhinga tsho swika magumoni!

¹⁶² Saints yo swika magumoni ayo. Izwo ndi zwone. Vho no tumbukisa tshiňwe tshithu zwino tshine vha nga thuthubisa shango lothe ngatsho, muňwe na muňwe u ofha muňwe. Vha kha tshifhinga tsha vhufhelo.

¹⁶³ Vhutshilotshedza, ho swika fhethu hune vhathu... phinekili i khou dembetitela murahu. Vhathu a vha difari sa vhathu vho tshilotshedziswaho. Naa no vha ni tshi nga humbula munna a no ḥoda u vha muswa a songo rembuluwaho, e na mahaha awe a nembelelaho fhasi nga ndila *iyi*, huno bannda dzawe dzi tshi khou nembelela khunduni dzawe, a tshi khou tshimbila dzharačani ya tshikolo nga ndila iyo (vhučali ha shango li daho nga murahu ha heli, arali hu tshi kha di vha na u vha hone halo), a tshi bva na vhasidzanyana vha miňwaha ya fumiňa nga vhukale, avho nnda tshiřaračani?

¹⁶⁴ Namusi, motheleni wanga, ho vha ho lala mme heneffo nnda a si na zwiambaro zwo edanaho u tsireledza tshigidi tshi leluwaho, huno munna wawe o vha o lala heneffo nga ndila yo raloho, na uyo maya u rotholaho. Vha elekanya uri muvhili wavho wo naka nga maanda lune vha tea u u ḥana. Naa a ni limuwi uri ndi Diabolo? Izwo ndi zwone. Vha tshi bvula zwiambaro zwavho, a pengaho ndi ene fhedzi a no ita hezwo. Legioni o zwi ita ngauri o vha a tshi penga. Dzhielani nzhele! Huno ri nae hoyo, fhedzi uyo u vhidzwa “tshitaila,” tshi no pfi “musalauno.” Ri tshi vhidza “Diabolo!” Ndi na Bihili u sumba uri ndi Diabolo. Ndi thundu ya diabolo, thundu ya ḥidimoni (hu si tsikeledzo). Thundu, o ni wana! Izwo ndi zwone. Ni nga vha vhudza zwone? Vha do sinyuwa. A vha na mushumo Nalo! Hai, muňe wanga. Vha na mihumbulo yavho, ngauri ngei motsharani

wavho hune vha ya a vha zwi kaidzi na kathihi. U kungwa nga vhudzekani hu a itwa zwikoloni na zwivhidzoni, huno vhafunzi vha a ofha u zwi kaidza, a vha anzeli u ita tshithu.

¹⁶⁵ Ndo pfa mushumeli nga liñwe duvha, a tshi ri, “Musi vho no tumbukisa izwi zwithu zwidala zwa maño, na—na milomo mitswuku, vho ita shango lo nakaho.” Mushumeli wa Mafhungo-madifha, kha phuluphithi, o vha a tshi do nea muhumbulo u no nga wonoyo, u tøda lwendo lwa u ya Khálivari. Izwo ndi zwone kokotolo, musi Bivhili i tshi zwi laña!

¹⁶⁶ Huno tshigwada tsha Pentekoste tsho vhudza khaladzi uri (a ña fhetu, a tshi khou lila) nge a vhofta mavhudzi awe nga murahu ha ñoho yawe, e na mavhudzi malapfu, ha pfi, “Tshipere tshanu tshi nga di xa.” Ha pfi, “Ni fanela u ñunya hayo mavhudzi, nge Bivhili ya ri o vha e na...kha Yesaya, ndima ya 5, e na mathaela o itaho tshitendeledzi vhunga ñwedzi.” Zwino, Bivhili i nga amba hani uri “musadzi u ita tshithu tshi soliseaho,” ho ngo tea u dzula nae musi a tshi tunya mavhudzi awe, u sumbedza uri u nyadzisa ñoho yawe, huno zwenezwo mavhudzi malapfu...?...Naa ni nga ita hani Bivhili uri i ambe tshinwe tshithu tsho raloh? Ndi zwone, naa thaidzo ndi mini nga vhasadzi vhashu vha Pentekosta? No no vhone thelevishini yo kalulaho! No no vhone zwa shango zwe kalulaho, huno a hu na zwe edanaho zwa Ipfi ja Mudzimu zwi no ni takadza. Zwino, hezwo Bivhili yo zwi amba. Izwo ndi zwe Bivhili ya amba. Uyo a si nñe, zwino, iyo ndi Bivhili!

¹⁶⁷ Oo, u kungwa nga vhudzekani! A si kale-kale musadzi o ri kha nñe, ndi tshi khou bvela phanda nga havho vha tshi ambara idzi shothi, a ri, “Ndi—ndi ambara zwileke.”

¹⁶⁸ Nda ri, “Izwo zwe vhifhesa.” Inwi...Bivhili yo ralo. A nga si kone u shanduka.

¹⁶⁹ Inwi ni ri, “Uyo ndi Mubaphuthisi.” Avho ndi Vhapentekosta. Ndi khou amba na *inwi*. Izwo ndi zwone. Izwo ndi ngoho.

¹⁷⁰ Fhedzi thaidzo ndi mini? Naa thaidzo ndi mini? Muñwe o litshedza dzingole huñwe fhetu. Khonani yanga i re mureri mulala yo vha i tshi anzela u ri:

Ro litshedza dzingole, ro litshedza dzingole,
Ro tambo na tshivhi;
Ro litshedza dzingole, nngu dzo bva,
Fhedzi mbudzi dzo dzhena hani?

¹⁷¹ Naa thaidzo ndi mini? Musi ni tshi litshedza dzingole, ngole dza Ipfi ja Mudzimu! Elelwani, yo vha i mbekanyamushumo ya Mudzimu u khwathisa Tshivhidzo Tshawe nga Ipfi Lawe, mathomoni.

¹⁷² Huno musi Efa o ñaña huno a ri, “Zwo ralo, zwino, a zwi pfali, ndi nga di tou tshila zwavhuñi,” izwo zwe zwi kona.

¹⁷³ Huno izwo zwe zwi ita tshifhinga tshōthe. Ndi ngazwo o dzivhiswa u vha mureri. Ni a vhona, tsho sokou litshedza dzingole. Afho ndi hune (tshivhidzo) tshiko tshatsho tsha thothonywa, kha Pentekoste, huno itscho ndi tshiko. A hu na Luñwalo lwatsho. Ni a vhona? Zwino, ni itani-ha? Ni wana zwithu zwi sa faniho zwe na zwi wana murahu hangei Edeni. Dzhielani nzhele, zwino, zwenezwo musi ri tshi da kha Ipfi, ni amba nga Halo...

¹⁷⁴ A hu na ane a nga lwa Nało! Ndi itela nnyi na nnyi khaedu ya uri a zwi ambe. Ndo rera nga ha *Mbeu Ya Nowa*, vhanzhi nga maanda vho sinyuwa ngayo. Ndo humbelala muñwe munna uri a de a nkunde khayo. A thi vha wani.

¹⁷⁵ A si kale-kale ngei Chicago, ni na dzitheiphi, vho elekanya uri vho mpfasha kha tshiñwe tshithu. Vho vha vhe na Nyandano Khulwane ya Vhashumeli vha Chicago yōthe, Mukomana ndi mini...huno Tommy Hicks na Mukomana Carlson vho vha vhe henengei. Huno masiku mavhili iyo i sa athu vha hone, Murena o mmvusa vhusiku, a ri, "Iya u ime tsini na liña fasiñere." Nda ya, huno ho vha hu na ñumbu. A ri, "Zwino, vho u retshela tshikwekwe." A ri, "Kha vhuragane uvhu, u songo ofha. Bvela phanda, Ndi do vha na iwe." Zwino, hezwi ndi nga Dzina la Murena. Ni nga di vha vhudzisa nahone na wanulula. Zwi kha theiphi, zwe bulwa phanda hazwo: Ha pfi, "Zwino, u songo ofha u ya, fhedzi iya u ime," ha pfi, "Ndi do vha na iwe."

¹⁷⁶ Huno duvha li tevhelaho nda tangana na Mukomana Carlson, muhulwane wa khuvhangano henengei, na Tommy Hicks. Huno A mmbudza uri ndi do tangana navho na uri ri do ya fhethu hu no pfi "Town and Country" u itela vhuragane. Nda dzula henefhalå fhasi kokotolo. Nda ri, "Mukomana Hicks, ni dokotela wa ngudavhurereli huno ri khou yo tangana na tshigwada tshihulwane tsha vhashumeli fhano, nyandano yavho ya Chicago, ndi ngani ni sa yi huno na nnyambela? Ndo ni itela zwithu zwinzhi." Ndo vha ndi tshi khou tou mu linga.

A ri, "Oo, hezwo ndi nga si kone u zwi ita, Mukomana Branham."

¹⁷⁷ Nda ri; "Zwo ralo, ndi ngani ni sa bveli phanda?" Nda ri, "Ndi do ni itela tshinwe na tshinwe, zwino ndi ngani ni sa tou nnyitela hezwo?"

¹⁷⁸ A ri, "Oo, ndi nga si kone u zwi ita, Mukomana Branham. Vha nga si zwi kondelele."

Mukomana Carlson a ri, "Hai, a vha nga do ralo."

¹⁷⁹ Nda ri, "Ni a divha uri ndi ngani." Nda ri, "Kha ndi ni vhudze tshinwe tshithu, ndi ngauri inwi, vhuvhili hanu, ni a divha uri vho nthetshela tshikwekwe tsha mbudziso." Huno nda ri, "Ni nayo." Zwino, hezwi zwi kha theiphi. Arali ni tshi

toda theiphi, ri nga vha nayo. Huno havha vhanna vhothe ni a vha divha. Ngauralo nda ri, "Vhusiku ha phanda ha mulovha, ndo vhona bono la uri ri do dzula hafha matsheloni haya huno Tommy hezwi ha nga do zwi tanganedza." Nda ri, "Zwino vhonani, ni khou—no ita uri luja lufhera lwa hodela lu hiriwe."

"Ee."

"Lwo badelelwa rennde."

"Ee," Mukomana Carlson.

¹⁸⁰ "Fhedzi a ni khou yo lu dzhia. Izwo ndi U RALO MURENA!"

"Malandu?"

¹⁸¹ "Ni khou yo dzhena huwe fhethu. Ulwo ndi—ulwo ndi lufhera ludala; ri khou yo dzhena lufherani lwa muronzhe. Ndi khou yo vha khuđani; Dokotela Mead u do dzula kha tsha u la tshanga; huno uja mushumeli mulala wa mukhaladi na mufulmakadzi wawe vha do dzula nga hangeno kha tsha monde," nga ndila ine zwa do vha nga u ralo. Huno nda ri, "Zwino sedzani, itonu da. No no vhona Mudzimu a tshi fhodza vhalwadze, no Mu sedza e nndwani nga tshiniwe tsifhinga!" Nda ri, "Ndi muhulwane, u a mangadza." Nda ri, "Itonu sedza dzimbudziso huno ni vhone nga ndila ye dza fhumudzwa."

Huno musi ri tshi swika henengei nga matsheloni ayo . . .

¹⁸² Arali ni tshi toda theiphi . . . Jim, ni nayo, a no ngo i disa? Henehafha, henehafha, ni nga i dzhia theiphi arali ni tshi i toda, mučanganoni.

¹⁸³ Nda ri, "Naa ndi tshini tshine na lwa na nne ngatsho? Naa thaidzo ndi mini nga ha inwi vhatu?"

¹⁸⁴ Mukomana Carlson a ri, "Ndi zwone, Mukomana Branham o mmbudza mađuvha mavhili o fhiraho uri ri do vha na . . ." Huno a vho ngo wana tshifhađo, vho zwi hanisa. Vho kundelwa u vha tendela u tshi dzhia nge tshinwe tshigwada tsha muzika tsha vha tsho no tshi dzhia huno vha vha songo divha uri vho vha vho no bvisa diphositi yatsho, zwenezwo vha tea u hanisa Vhanna vha Bindu. Huno khamusi inwi no no pfa mulaedza wazwo, Mukomana Williams hafha, na hafha, na hone. Huno—huno—huno a ri, "Mukomana Branham o mmbudza kokotolo hune muthu muňwe na muňwe a do vha o dzula, nahone o mmbudza kokotolo zwine zwa do itea." Ha pfi, "Tshithu tshithihi," ha pfi, "Ndi . . . vhunzhi hashu ri nga di hanedzana na Mukomana Branham malugana na Mulaedza wawe, fhedzi" a ri "ri do tea u tenda tshithu tshithihi, ha ofhi u Li amba," ngauralo—ngauralo zwenezwo a ri, "ha ofhi tshithu nga Halo." Ha pfi, "Zwino, ngezwi, Mukomana Branham."

¹⁸⁵ Nda ri, "Zwino, ri sa athu thoma, ndi toda muňwe muthu, malugana na tshinwe tshithu tshe nda amba, uri a dzhie iyo Bivhili huno a ime hafha tsini hanga." Huno hetsho tsho vha tshigwada tsho fhumulesaho tshe na vhuya na tshi pfa. Nda

ri, "Zwenezwo, arali ni sa u tikedzi, zwenezwo ibvani murahu hanga! Ee. Vhakomana, nne ndi fhano u ima na inwi, fhedzi ri tea u vhuyeleta kha mbuno dla Bivhili."

¹⁸⁶ Ha pfi, "Ndi ngani ni sa—ndi ngani ni sa ḫutsheli avho vhasadzi? Oo, iina, ni...vhathu vha tenda uri ni mu—muvhoni wa Mudzimu."

Nda ri, "Na kathihi hezwo a tho ngo zwi amba."

¹⁸⁷ A ri, "Fhedzi vhathu vha a zwi tenda hezwo." Ha pfi, "Ndi ngani ni sa ndi ngani ni sa bveli kule ha avho vhasadzi?" Ha pfi, "Huno na litsha u vha vhudza uri vha tea u ambara na u ḫunya mavhudzi avho nga ndila-de na zwithu zwine vha tea u zwi shumisa. Ndi ngani ni sa bveli kule havho? Ndi ngani ni sa vha funzi uri vha tea u ḫanganedza hani mikovhe na—nahone vha ita tshiñwe tshithu tshi no do nea Mudzimu vhugala?"

¹⁸⁸ Nda ri, "Ndi nga vha funza hani aligebra shangoni ngeno vha si nga vhuyi vha guda ABC dzavho?" Izwo ndi zwone. Ni tea u vhuyeleta kha mutheo wa u thoma.

Mudzimu, ri khathutshele zwino. Ee, mune wanga.

¹⁸⁹ Ngezwi ri hafha, tshifhinga tsha vhufhelo! Tshedza tshitswuku tshi fhasi, tshi khou taidza! U Da ha Murena hu tsini. Ee, mune wanga. Thetshelesani! Mulaedza wa tshifhinga tsha vhufhelo u tea u fusha nyimele dza tshifhinga tsha vhufhelo. He vha pambuwa, Mulaedza u tea u vha vhuyedzedza. Tshifhinga tshothe, Mulaedza wa tshifhinga tsha vhufhelo u fusha nyimele dza tshifhinga tsha vhufhelo. Hothe kha Luñwalo. U do tea u zwi ita nga tshino tshifhinga, mbidzo ya u vhuyeleta kha Ipfi la mathomo. Yawee, nnenne! Vhunga vhañwe vhañinda vho ita kha ñuvha, uyu Mulaedza u do tea u vha u fanaho. Hezwo ri a zwi fulufhedzisa! Mudzimu o zwi fulufhedzisa kha Ipfi Lawe! Maleaxi 4, yo ri zwi do bvelela, "Huno u do vhuyedzedza Lutendo lwa vhana murahu kha vhokhotsi." O zwi fulufhedzisa, huno ri khou tshila kha ilo ñuvha!

¹⁹⁰ Oo, zwo ralo tshifhinga tshothe, misi yothe, tshigwada tsha vharangaphan̄a tshi no vhilinganya vhatu tshothe. A zwi nga maanda kha vhatu; ndi vharangaphan̄a vha no vha vhilinganya. Zwino kha ri...

Inwi ni ri, "Oo, Mukomana Branham!"

¹⁹¹ Zwo luga, zwino, lwa tshifhinganyana zwino, ri tea u ita hezwi nga Luñwalo. Arali zwi si Luñwalo, zwenezwo a si zwavhudi. Nga maipfi avho a vhuñali, kha vharangaphanda havho vhu songo susumedzwaho, maipfi a vhuñali ha shango, vha... Mulandu, hu na vhañwe vha avho vhañivi vhane hezwo vha nga zwi vhekanya, fhedzi ni elekanya uri Sañhane a si mudivhi wazwo, na ene-vho? Naa ene, zwo ralo, ho ngo vhandamela Yesu Kristo huno a Mu nea tshiitisi, nahone a vhuya a Mu redzela Luñwalo? O zwi ita! Ndi muñivhi wazwo.

Fhedzi Yesu ho ngo tata na kathihi nae, O ri, "Ho niwaliwa, nahone! Ibva murahu Hanga, Sathane." Ee, vhurangaphanda vhu songo tuṭuwedzwaho.

¹⁹² Vhonani Kora, mađuvhani e Mudzimu a rumela Mushe e na mulaedza, huno Kora na Dathani vha elekanya, vha da kha Mushe, huno vha ri, "Zwino, lwa tshifhinganyana, u dihwesa zwinzhisa! U elekanya uri ndi iwe thombwana li lothe kha bitshi; sekwa ngomu ha kutivha, ndi iwe u wothe. Ndi do u divhadza uri hu na vhañwe vhathu vha re vhakhethwa, na vhone-vho!" Mushe ho ngo ri vho vha vha si vhakhethwa. Fhedzi o vha e na ndaela, o do tea u i vuledza. Huno vha dzudzanya tshigwada vha da vha tshi lwa na Mushe.

¹⁹³ Huno Mudzimu a mu vhudza, "Iya u ime hangei munangoni." Avho vhanna vho vha vhe na ludongo tshandani tshavho, huno ni a divha zwe ulwo ludongo lwa vha lu tshi do vha lwo ita. Mudzimu o vula lifhasi huno a vha mila. Huno vho vha vhe na mulilo u bvaho kha alitari, ngomu hayo. Vhe na mulilo kha ludongo, sa zwe zwa vha zwi zwa ndeme, vho kundelwa u limuwa mulaedza.

¹⁹⁴ Mudzimu a ri, "Ndi a u ruma, Mushe, afho fhasi u ita hezwi. Iwe vha dise hangeno."

¹⁹⁵ Ni a vhona, vho kundelwa u zwi limuwa. Mushe o vha "o livhanesa" navho. Vhunga zwe Eliya a vha e zwone, kha Tshikolo tsha Vhaporofita, "o livhanesa," a kwambatela Ipfi.

¹⁹⁶ Izwo ndi zwe inwi vhathu vha Pentekoste, na do tea u difhandekanya na shango lothe, na livhana na Ipfi. Zwino ni songo dovha na phinyela ngomu ha tshithu tshenetsho tshe na bva khatsho, ni khou bva ndilani! Ni songo tumula ngimisi yañu i bvaho Khalivari. Farelelani kha Ipfi la Mudzimu, ngauri "Kha heli tombo Ndi do fhaña Tshivhidzo Tshanga," Li kwambateleni.

¹⁹⁷ Zwino, Dathani na vhone vho elekanya uri vho vha vhe... hu nga vha na muñwe munna. Ni a vhona, uvho ndi vhuṭali ha vhathu vhu no khou lingedza u thavhela mihumbulo yavho kha pulane ya Mudzimu. Uvho ndi havhudzi. Vhuṭali ha vhathu vhu no khou lingedza u thavhela mihumbulo yavho kha Ipfi la Mudzimu. A zwi nga shumi! Zwi nga si shume. A zwi athu shuma na kathihi nahone zwi nga si shume na kathihi.

¹⁹⁸ Sedzani Yesu musi O vha o ima henefhała, ha pfi, "Naa ndi ufhio kha inwi ane a nga Nthovhedza tshivhi? Naa ndi ufhio kha inwi ane a nga sumba uri A tho ngo ita kokotolo zwe Mañwalo a ri Ndi do ita? Ndi ima kha la uri ndi Mesia. Huno arali Ndi sa iti mishumo ya Khotsi Anga, zwenezwo ni songo, ni songo Ntenda. Fhedzi arali Ndi tshi ita mishumo huno na si Ntende, tendani mishumo ine Nda ita, i a Ntanziela." Kokotolo. Huno vho kundelwa u zwi tenda, vho ḥoda ndila dzavho.

¹⁹⁹ Vha nga di vha vha sa khou ḥoda u ita hezwi huno vha khakha. A vha khou ḥoda... a thi tendi uri muthu u ḥoda u ita hezwo. Ndi wana vhāthu vhavhudi nn̄da kha izwo zwivhidzo zwihulu zwa dinomineisheni. Ndi wana muthu wavhudi. Fhedzi zwi fana na zwe ramilayo a amba kha radio, ndi tshi da ngeno, “Tshithu tshisili, ndi tsha uri vhafunzi vha nga ima hani kha phuluphithi, huno vha vhona izwi zwifhinga zwi tshi da, huno mbiti dzo lugaho vha si dici vuse, dza zwivhi zwa shango!” Huno ngeno ramilayo a tshi tea u ima a amba hezwo! “Na ndila ine mirađo zwayo ya kona u shumisa tshelede yayo kha tshakha dzođe dza dzizuu na dziphakha, na zwithu, huno vha si lambedze mbekanyamushumo ya vhafunziruňwa, u isa Mafhungo-madjifha kha shango.”

²⁰⁰ Musi vhafunziruňwa vha re na ndala, vha si na zwienda milenzheni yavho... Hađeluya. Hu si na dinomineisheni ya u vha tikedza, nga nwambo wa u ima havho na Ipfi la Mudzimu. Hu si na tshithu tsha u vha tikedza. Inwi vha waneleni tshiňwe tshithu tshi no do vha tikedza nga hangei, zwenezwo vho wanani? Buto lihulu la dogima. Mufunziruňwa wa ngoho, wa vhukuma, zwiga zwi tshi tevhela, u kombetshedzea u ditika nga musadzi wa u kuvha uri a mu vhulungele mapeni a si gathi. Dzhielani nzhele, ngezwo.

²⁰¹ Vha nga di vha vha sa khou ḥoda u ita... Zwo luga, fhedzi thaidzo ndi mini ngavho? Vho pofula. Yesu o ralo. Elelwani, elelwani, Yesu o amba zwenezwo zwithihi. Huno hu vhonala hu tshi nga, ḥamus... .

²⁰² Zwino thetshellesani, ndi a fulufhela uri a thi khou sasaladza. Musi ni tshi khou ita Ngoho, ni songo—ni songo pfa u nga ndi khou sasaladza. Ndi khou tou lingedza u...ndi—ndi funa... Huno arali ni sa...ndi—nne ndo dikumeda Tshivhidzo. Hetshi, khamusi ndi vha tshivhidzo tsha Khuvhangano ya Mudzimu, kana tshenetsho tshine tshi nga vha tshone, kana—kana a—a thi ḫivhi zwine tsha vha zwone. Zwine... A zwi iti phambano kha nne. Ndi tshivhidzo tsha Mudzimu. Izwo ndi zwine tsha vha zwone, ndi a tenda, ndi tshivhidzo tsha Mudzimu. Ndi zwone, zwino, rothe ri fanela u vha zwenezwo, hu si tshivhidzo tshi re dinomineisheni tsha Mudzimu, fhedzi ri tea u vha Vhakriste vha mbiluni. Tshivhidzo tsha Mudzimu tshi dzula ngomu ha dzimbondo, hu si dzina, zwinwe-vho.

²⁰³ Zwino, ḥamus zwo kalulesa kha hezwi, zwauri vhurađo ndi hone hune ha vha ha ndeme tshođe kha vhathu. Zwino, sedzani Mubaphuthisi e na mvuseledzo. Oo, vho vha na nthihi. Vho vha na tshilogeni nga '44, “Vho engedzeaho nga milioni nga '44.” Milaedza ya Billy Graham i tshi khou bvelela. Mulandu, ngoho, yo ita tshithu tshihulwane. Vhamethodisi, Vhabaphuthisi, Mupuresbiterieni, tsho vha tshithu tshihulwane, fhedzi ri na mini?

²⁰⁴ Yesu o ri kha Vhafarisei, “Inwi vharangaphanda vho populaho vha mabofu. Ni budekanya malwanzhe u ita thundu nthihi, huno ndi nwana wa vhudzulavhafu kavhili u fhira zwe a vha e zwone musi a tshi thoma.” Huno izwo ndi zwine ra vha nazwo namusi.

²⁰⁵ Billy Graham, musi ndo ya kha vhuragane hawe ngei Louisville, Kentucky, a da henengei, o halifha sa zwe muevangeli a vha e zwone, a ri, “Ndi a tuwa... Paulo o ri... Tsumbo ngeyi.” Ha pfi, “Paulo o dzhena mudini huno a ita murembuluwi muthihi, a vhuya ngavhuya nga murahu ha nwaha huno a vha na vha furaru vha bvaho kha hoyo.” Ha pfi, “Ndi dzhena mudini huno nda ita vharembuluwi vha zwigidi zwa furaru, huno nda vhuya nga murahu ha nwaha huno nda si kone u wana vha furaru.” A ri, “Naa thaidzo ndi mini?” Huno nda takalela ndila ya muevangeli. A bvisela munwe wawe henefha la, nda dzula vhanna vha no todou swika madana mararu henefha, a ri, “Ndi inwi tshigwada tshi bvafhaho tsha vhareri.” A ri, “Ni dzula ofisini milenzhe yanu i nthu ha desike, na vhidza munna a re nthu kha lutingo, huno na mu humbela u tsela fhasi nahone—nahone a vhe murado wa tshivhidzo tsha yanu. Ni fanela u yo mu dalela.”

²⁰⁶ Nda dzula henefha la, nda elekanya, “(Oo Mudzimu!) Ni a divha, Muevangeli Billy, ni munna muhulwane. Nne ndi—nne ndi muthu a si na ndeme. Fhedzi kha ndi ni vhudzise tshiñwe tshithu.” Nda tama ndo vha ndi tshi nga rembuluwa huno nda amba hezwi; fhedzi ndi—ndi—ndi takalela mukomana, ndi elekanya uri ndi mulanda wa Mudzimu. Fhedzi ndi do tou takalela u vha ndo amba hezwi, “Zwenezwo, Billy, naa Paulo o do tea u tevhela mureri wa lushaka-de?” Naa ho bvelelani? Paulo ha mu tendeli fhedzi u imisa tshanda tshawe uri a ite tsheo, o mu dzhia a mu isa kha ndovhedzo ya Muya Mukhethwa, a ita uri myua wawe u duge, huno a si kone u fhumula.

²⁰⁷ Iyo ndi yone thaidzo namusi, ndi vhurado. Ee. [Hu na tshikhala kha theiphi—Mudz.]...mirado, vhurado vhuhulu, kilasi khulu dza tshikolo tsha Swondaha, hu badelwa pfufho dza muñwe ane a nga ita thundu huno a disa muñwe muthu-vho nga ngeno a no bva kha tshiñwe tshivhidzo, ha vhonwa we a vha e na vhanzhi. Ni a divha, uvho ndi Vhafarisei! Huno zwenezwo na dihudza nga maanda ngazwo, “Ro vha fhira Swondaha yo fhiraho.” Arali no swika fhethu hune na tea u ita tshivhidzo tsha Mudzimu mbambe, zwenezwo ndi tshifhinga tsha u vala mahothi huno ha iwa hayani.

²⁰⁸ Tshivhidzo tsha Mudzimu ndi tshithu tshi tshilaho tsha Mudzimu kha lifhasi, tshi vhonadzaho Yesu Kristo. Ndi a divha uri A tshi takalelwi, ni nga si lavhelele u vha nga u ralo. Ri lavhelela u vha vha no ita zwone.

²⁰⁹ Vha dihudza nga maanda ngazwo . . . Fhedzi, no zwi divha, phosho khulu a dzo ngo kwama muporofita Eliya. O pfa mulilo na vhutsi vhu tshi fhira, na u thathaba na lumenyo, na malofha na ole, na tshiñwe na tshiñwe-vho, a zwo ngo mu dina na kathihi. Ni a divha, tshifhinga tshothe Amerika i ḥoda tshiñwe tshithu tshihulu tshi re na phosho khulu ngomu hatsho. Fhedzi Mudzimu ndi “Ipfi lituku lo dzikaho” li no kunga muporofita.

²¹⁰ Ni a divha, nga tshiñwe tshifhinga goloi yo bvela nn̄da ya dzhena tsimuni, huno yo vha i tshi tshina-tshina, i tshi khou ita phosho khulu musi i tshi bvela nn̄da ya dzhena tsimuni. Huno musi i tshi vhuya, ya da n̄tha ha zwigodigodi zwenezwo zwithihi huno ya sa ite na phosho ḥukhu na kathihi, yo vha yo hwala zwithu zwavhuđi. Ni a vhona? Iina.

²¹¹ Fhedzi ro vhea tshenzhemo yashu n̄tha ha liposho. Naa ri nga ita izwo hani, naa ri nga ita haní izwo zwithu nga u ralo? Yawee, nn̄enđe! Huno zwenezwo ra longa lunako lwa Hollywood ngomu, ra vha na vhasadzi n̄tha ha phuluphithi, zwiambaro zwi tshi pata nga maanda nahone zwi tshi vhonala zwi zwa vhupombwe, vha tshi khou tshina vhe muyani. A thi divhi uri ndi lushaka-đe lwa mayu!

²¹² A thi khou ḥoda u sasalandza zwino, ndi—n̄ne ndi—n̄ne ndi . . . ndi—ndi a ni funa. Arali ndi sa khou ralo, zwenezwo Mudzimu u ḥo nkhaṭula arali ndi na ndivho inwe-vho nga nn̄da ha heyo. Ni a vhona?

²¹³ Fhedzi inwi zwi pfeseseni hezwo, ni a vhona. Afho ndi he Vhapentekostał vha sudzulutshela hone. “Ro wana vho engedzeaho u fhira vhe mukomana a vha e navho khudani.” Oo! “Ro wana vho engedzeaho u fhira vha Dzikuvhangano, ngauri ri vha Vhuthihi, kana ri vha Vhuraruthihi, nahone ri . . .” oo, hetshi, hetsho, kana tshinwe, madzina othe—othe o fhambanaho ane vha vha nao, ni a vhona. Oo, mukomana, hezwo a zwi ambi hezwo kha Mudzimu. U shuma na muthu muthihi. Ndi zwone.

²¹⁴ Dzhielani nzhele, dziphosho khulu, fhedzi a dzo ngo kunga muporofita. Muporofita ho ngo londa dziphosho khulu. Fhedzi musi a tshi pfa ilo Ipfi lituku lo dzikaho, o divha uri ilo ndi Ipfi, a ambara lupila kha tshifhaṭuwo tshawe huno a bva a tshi khou tshimbila.

²¹⁵ Ni a divha, duvha li nga kokodza madi o engedzeaho nga miniti dla fumiřhanu, hu si na na phosho na luthihi, u fhira vhothe . . . Huno riňe ri ita phosho yo engedzeaho ri tshi kelela galoni ya madi u fhira zwine duvha la ita kha mafagi a milioni. Izwo ndi zwone. Tshifhinga tshothe ri ḥoda tshiñwe tshithu tshine tsha vha na “huree” khulu nahone nn̄zhi, na munyanyuwo muhulu khatsho. Huno musi zwi tshi da kha mbuno ya u dzhia Ipfi, zwenezwo hafha hu bveleta tshithu. Ni a vhona? Idani, huno vha ri, “Zwo luga, fhaṭutshedzani Mudzimu, ndi a ni vhudza . . .”

²¹⁶ A si kale-kale ndo ḥangana na munna hafha...a thi ambi hezwi uri ndi ḥambuludze, ni mpfarele arali ndi tshi elekanya uri ndi khou zwi ita uri zwi ḥambuludze. Ndo vha ndi muṭanganoni wa dennde huno, mushumeli, mushumeli wa Pentekoste a ḫisa mufumakadzi wawe hangeno uri a tambe piano. Huno musi o no nndivhadza kha mufumakadzi wawe, nga u fulufhedzea, nda ḥoḍou ḥoka. Musadzi o vha e na mavhudzi mapfufhi vhukuma, o songwaho, nahone e na zwiṇina zwihulwane, zwiḥulu, na tshidolo tsho ḫanahao milomoni yawe, kana zwithu zwenezwo zwine zwa vha zwone, ḥala dza minwe dzo penndiwa. O vhonala a tshi tou nga u...Ho vha hu tshi vhonala ho vhifha; ḥala khulwane, khulu ndapfu, nahone nga u tou ralo. Huno a tshi vhonala e phombwe; o ambara rokho ḥukhu, ḥukhuthukhu, pfufhi, ho ngo vhuya a kona u fukedza magona awe ngayo musi a tshi dzula fhasi. Ndi zwone, nda ima henefho zwitukunyana, huno nda ri, “Mukomana, naa ndi ḥo vhaisa vhudipfi haṇu arali nda amba tshiṇwe tshithu?”

²¹⁷ A ri, “Mulandu, zwa vhukuma hai.” Munna wavhudī, huno o vhonala e musadzi wavhudī.

Nda ri, “Naa ni ri mufumakadzi waṇu ndi mukhethwa?”

Ha pfi, “Ee.”

²¹⁸ Nda ri, “Mpfareleni liambele, fhedzi u vhonala a tshi nga ‘ha ene’ kha nne.” Nda ri, ni a ḫivha, “kana tshiṇwe tshithu tsho raloho.” Nda ri...

²¹⁹ A ri, “Naa ni khou ri mini, Mukomana Branham?” “Oo,” a ri, “inwi ni wa tshikolo tsha kale.”

²²⁰ Nda ri, “Nne ndi wa tshikolo tsha Luṇwalo. Izwo ndi zwone, tshikolo tsha Luṇwalo.” A thi tendi uri mukhethwa u difara nga u ralo, ndi nga si tou kona u zwi ita, ngeno Bivhili i tshi zwi laṭekanya nga maanda. Ni a vhone?

²²¹ Zwo luga, zwi tou nga, tshifhinga tshiṇwe na tshiṇwe, tshiṇwe na tshiṇwe ri pfa, “vho vha na tsheo dza fuiṇa,” “tsheo dza fuiṇaina,” “ro vha na tsheo dza madana mararu.” Ndi zwone, ilo ndi dupo. *Madupo* ndi “matombo.” Izwo ndi zwone, ngauri Petro, nga nthani ha dupo ḥawe, o vhidzwa “tombo, tombo ḥituku.” Petro, dupo ḥawe. Zwino, matombo o luga, fhedzi vhudī kana ndeme ya tombo ndi mini kha tshifhaṭo arali hu si na mutzheti wa tombo wa ngoho henefho e na tshishumiswa tshi re na vhuhalu tsha Ipfi tsha u a tshea huno a a ita vharwa vha Mudzimu? Ni a vhone? Vhudī ha dupo ndi mini?

²²² Ndi ngazwo ni tshi ri u vhuya na si wane vha furaru kha vha zwigidi zwa furaru. Ni tou kungulusa matombo a tshi bva buseni, huno na a kungulusesla henefho nn̄da, huno ha athu vha o teaho kha thembele. A tea u tshewa, a itwa uri a fanelane na Ipfi ḥa Mudzimu, o vhewa ngomu henefho, o ḥumekanywa, o

fhaṭwa n̄tha ha mutheo wa Pfunzo ya vhaapostola, Yesu Kristo ene Tombo la khuḍa. Huno O ri, “Ane a Ntenda, mishumo ine Nda ḍo ita na ene u ḍo ita-vho.” Izwo ndi zwone.

²²³ Naa ri nga vha hani Tshivhidzo ngeno ri tshi nyadzana? O ri, “Nga hezwi vhathe vhothe vha do ḋivha uri ni vhafunziwa Vhangwa, musi ni tshi funana.” Muṣi ri tshi ita thundu huno ra kwashekanya, nahone u itela phambano ya dinomineisheni... A thi zwi hwesi vhathe, ndi zwi hwesa dinomineisheni. Izwo ndi zwone. Hu si vhathe na luthihi. Ni a vhona? Oo, zwe vhifha nga maanda, naho zwe ralo ndi...

²²⁴ Ni tea u vha na itshi tshishumisa tsha vhuhalo, Ipfi la Mudzimu, u vha vhumba vha vha Vharwa vha Tshifhaṭo. Yawee, nnenqe! Thabelo yanga ndi, “Mudzimu, ṭavhanya na Maleaxi 4. Ri nee Mulaedza mađuvhani a vhufhelo. Ri nee muňwe, rumela tshiñwe tshithu tsha u tshidza itshi tshivhidzo tsha Pentekoste.”

²²⁵ Naa Mudzimu u ḍo ri rumela muđinda wa lushaka-de u itela mađuvha haya a u fhedzisela? Ndi ḍo ni vhudza hezwi, mukomana wanga, khaladzi, sa mukomana wanu na mushumisani nga nne o lindelaho uri itshe tshifhinga tshi de, u ḍo vha muđinda wa lushaka lwonolwo luthihi we a ḍa nga tshiñwe tshifhinga. Lushaka lwonolwo luthihi! O vha a tshi ḍo vhuyedzedza tshivhidzo kha Ipfi. Mudzimu, kha ri vhee mutheo wawe a sa athu swika fhano. A sa athu ḍa, kha ri vhee mutheo nnda nahone matombo, a tsbewe, a lugele u ima nae musi Mudzimu a tshi mu rumela, ngauri O fulufhedzisa uri U ḍo zwi ita.

²²⁶ Zwino, ndi a ḋivha, hezwo ndi a zwi pfa zwi tshi vhuya. Huno, elelwani, nga mukovhe muđuku ndi kona u fasha u ṭalukanya maya, ni a vhona. Zwino, hezwo ni a zwi sanda, musi ndo ri Maleaxi 4. Fhedzi edzonu ri ndi ni vhudze tshiñwe tshithu tshe na tshi amba, “Yesu o ri, ‘Arali ni tshi nga zwi ṭanganedza, hoyu ndi Eliya o ambiwaho.’”

²²⁷ Fhedzi arali ni tshi vhona zwe A amba kha—kha—kha Mateo Mukhethwa, ndima ya 11 na ndimana ya 6, “Arali ni tshi nga zwi ṭanganedza, hoyu ndi ene we a ambiwa, huno ha pfi, ‘Ndi ruma muđinda Wanga phanda Hanga.’” Uyo o vha e Maleaxi 3, hu si Maleaxi 4.

²²⁸ Ngauri, kha Maleaxi 4, O ri, “Duvha ili li sa athu ḍa, liphasi ili ḍo fhiswa huno vhathe vha do tshimbila nnda khaṭo; ili ḍo swa vhunga mavhivhi.” Izwo ndi zwone. Nga itshe tshifhinga O vha a tshi khou amba nga ha muđinda a re phanda Hawe, we a vha e Elisha. Uyo ndi...

²²⁹ A thi tendi kha zwithu hezwi zwe the hafha zwi no khouna hothe ḡamusi malugana na nguvho ya Eliya na zwithu hezwo zwe the. Ndi... Zwi si zwa vhukuma zwe the zwi tea u ḍa, a hu na zwiñwe, u thithisa tshithu tsha vhukuma musi tshi tshi ḍa. Fhedzi, edzonu ri ndi ni vhudze, hu ḍo vuwa muđinda

magumoni a tshikhathi itshi tsha Pentekoste huno tsha khunyeledza tshithu. Hu ḋo vha munna. Hu si tshigwada, hu si dinomineisheni; fhedzi munna. Zwo ralo tshifhinga tshoṭhe, huno Mudzimu a nga si shandukise mbekanyamushumo Yawe, U Mudzimu wa U Ya Nga Hu Sa Fheli.

²³⁰ Elelwani, arali uyo mudinda (Yohane) o vha e mudinda wa Maleaxi 4, zwenezwo Māñwalo o kundelwa, ngauri Yo ri Li ḋo... “Lifhasi li ḋo swa sa mavhivhi, huno vho lugaho vha ḋo tshimbila nnda kha miora ya vhavhi.” Ngauralo I vhaleni, huno ni vhone arali izwo zwi si zwone. Ni a vhona? Fhedzi Yesu ho ngo amba hezwo na kathihi, O amba nga ha Maleaxi 3, “Ndi ḋo ruma mudinda Wanga phanda Hanga, u Nndugisela ndila.” Izwo ndi zwone kokotolo.

²³¹ Zwino, fhedzi elelwani, hoyu muñwe o vha e wa u vhuyedzedza lutendo lwa vhana kha vhokhotsi, u vhuyedzedza lutendo lwa vhana kha Lutendo lwa vhokhotsi, Bvhili ya mathomo.

²³² Izwo ndi zwone kokotolo zwe Mushe a ita. Izwo ndi zwone kokotolo zwe Yesu a ita. Izwo ndi zwone kokotolo zwe mudinda muñwe na muñwe a ita kha Bvhili yoṭhe, tshifhingani tsha vhufhelo ha itsho tshifhinga, vho vhuyedzedza mulaedza. Vhathu, nga kha madzangano na zwithu, vho timatima tshoṭhe na tshiñwe na tshiñwe, kha ayo mađuvha.

²³³ Vho ita zwenezwo zwithihi ḡamusi! Ngauralo ro lindela mudinda. (Mudzimu, mu rume!) Naa ni elekanya uri ri ḋo mu ḡanganedza? Hai, mune wanga! U ḋo vha “muthu a re na mbiti nahone wa vhusweleli ho kalulaho,” ngoho lwo eđanaho, fhedzi Mudzimu u ḋo mu sumbedza. Mutendi vhukuma, avho vho telwaho kha Vhutshilo Vhu Sa Fheli, Yesu o ri, “Vhoṭhe vhe Khotsi a Nnea vha ḋo ḫa, huno a hu na muthu ane a nga ḫa nndani ha musi Khotsi Anga o mu kokodza. Huno vhoṭhe vhe Khotsi a” (tshifhinga tsho fhiraho) “Nnea, vha ḋo ḫa.” Izwo ndi zwone, vho vha... .

²³⁴ A thi tendi kha iyi pfunzo ya Baphuthisi fhano ya—ya tsireledzo ya U Ya Nga Hu Sa Fheli. Ndi i tenda nga iñwe ndila, fhedzi ndi tenda uri no tsireledzea musi ni tshee Tshivhidzoni. Fhedzi ni a bva kha... na bva fhasi ha Malofha a Yesu Kristo, a no ngo tsireledzea. Ndo tsireledzea kha mvula musi ndi tshee ngomu hafha.

²³⁵ Huno musi no lovhedzelwa kha Muya Mukhethwa huno na ri ni na Muya Mukhethwa, na mbo hana Ipfi ḥa Mudzimu? Na ri no tenda huno no ḡanganedza Muya Mukhethwa, huno na mbo hana zwauri Ipfi ndi ngoho? Zwenezwo uyo u nga vha hani Muya Mukhethwa ngeno Wo vha Wone wo iñwalaho Bvhili? Muya Mukhethwa wa hana Ipfi ḥawo Wone uñe, wa ri, “Ndo—Ndo vha ndo khakha, inwi ni kha ngoho”? Hai, uyo a si Mudzimu. Hai, mune wanga.

²³⁶ Banga li re na vhuhal! (Murena, ri rumele Mulaedza muhulwane.) Itsho ndi tshire ra khou tshi ḥoda. Zwenezwo, a hu na zwiñwe, musi a tshi da u lugisa matombo ayo na u a tshea u itela tshifhaṭo, naa hu do bvelelani? Manzhi ao a nga si kondelele mulingo wa Ipfi. Vha do funa dzangano lavho zwa khwine u fhira u funa Ipfi la Mudzimu, naho iło Ipfi li tshi nga khwathisedzwa nga uyo munna. U do vha muporofita a no do da nga Dzina la Murena, huno u do vha ene a no do da kha liphasi. Ndi a zwi tenda.

Oo, muñwe na muñwe u ri, “Hu do vha tshigwada tsha vhathu.”

²³⁷ Ndi ḥoda muñwe a tshi ntsumbedza Bivhilini hune ha do vha tshigwada tsha vhathu; Mudzimu u do phunya Ipfi Ławé Ene muné, hezwo A nga si zwi ite. Hai, muñe wanga. Hezwi O zwi fulufhedzisa. Hu do vha munna muthili. Huno zwenezwo hu do vha na vhañwe vha re nae, a hu na zwiñwe, zwigidi, vhatendi vha Tshivhidzo tshothe vha do vha vhe nae, huiñwe na huiñwe.

²³⁸ Vhunga zwe zwa vha zwi zwone mađuvhani a Noaxe, a hu nga vhi na vhanzhisa vhavho vha no do tshidzwa, ngauri Yesu o ri, “Sa zwe zwa vha zwi zwone mađuvhani a Noaxe.” Naa izwo ni a zwi ñivha? “Sa zwe zwa vha zwi zwone mađuvhani a Loto,” (vha vhaleni) “zwi do ralo.”

²³⁹ “Mađadulu na liphasi zwi do lovha, fhedzi Ipfi Łanga a li nga lovhi.” Ni a vhona zwine nda khou amba? Oo, mukomana, ndi khwine ri tshi ḥodisisa, tshifhinga tshi nga di vha tsho no ḥuwesa u fhira zwine ra elekanya. Zwi nga di itea ra vuwa liñwe ḫuvha huno ra vhona uri ro xelelwa nga tshiñwe tshithu. Ni thogomele! Fhaṭuwani, rabelani, setshani, ḥodani, ni songo Li litša li tshi ni fhira. Huno, elelwani, musi Ipfi la Mudzimu li tshi rerwa, Mudzimu u na pfanelo kha iło Ipfi huno u do Li khwathisedza.

²⁴⁰ Ni a ñivha zwe A amba hangei, zwe zwa bvelela mađuvhani a Loto? O ri, “Sa zwe zwa vha zwi zwone mađuvhani a Loto.” Naa ho bvelelani hangei mulilo u sa athu wa, naa Tshivhidzo tshi do wana mulaedza wa lushaka-de? Hu si Sodoma zwino, Tshivhidzo tsho nangiwaho. Itonu vhulunga izwo zwiraru: ngevho Vhasodom; huno ho vha hu na Loto na tshigwada tshawe, tshivhidzo zwatsho; ho vha hu na Abrahamu, Munangiwa. Vhuraru havho vhothe vho wana mulaedza, ee, nga vhađinda vho fhambanaho. Sedzani uri ndi lushaka-de lwo yaho kha Tshivhidzo tsho nangiwaho, zwe A ita kha Abrahamu. Yesu o ri, “Zwi do ralo kha u da ha Murwa-muthu.” Zwino, ri nga si zwi hane hezwo, izwo ndi zwone kokotolo zwe Yesu a amba. Ngauralo, a hu na zwiñwe zwi do vha nga heyo ndila.

²⁴¹ Zwino, vhanzhi...musi Yesu o da huno a disa mulingo nahone a ri, “Fhendani Mañwalo, ngauri khao ni elekanya uri

ni na Vhutshilo Vhu Sa Fheli, huno ndi one a no N̄tanzielela,” naa vho vha vha tshi ḍo kondelela mulingo? Hai. Huno muṇwe na muṇwe u a ḏivha, madupo oṭhe a matombo ane a nga si kunde mulingo wa Ipfi a poselwa kha thulwi. Ḷo balea, mađi o phulea, li nga si kunde mulingo. Oo, munna, zwenezwo na rumelwa kha thulwi ya tshikirepe! Tshifhinga tshothe Mudzimu o dzhieila mvumbo n̄tha vhudzuloni ha dzinomboro.

²⁴² Ndi khou vala. Ni mpfarele ndo ni fareledza tshifhinga itshi tshothe, ndo vha ndi songo ḫimisela u ita hezwi. Kha ndi tou ita lwa tshi—tshifhinganyana, zwivhili, uyu muhumbulo wa u fhedza, zwenezwo ndi ḍo ima nga tshifhinganyana. Ndi a fulufhela uri ndo—ndo—ndo amba tshiṇwe tshithu u ni farisa, ni a vhona, u ita uri ni gude. Ni a vhona?

²⁴³ Tshifhinga tshothe Mudzimu o dzhieila mvumbo n̄tha, hu si ni mirado. Huno ḫamusi ri ita nga ndila iyo inwe. Ri dzhieila mirado n̄tha, kuambarele kwavhuđi, vhabadeli vhavhuđi, vhudzuloni ha mvumbo. Uh-huh.

²⁴⁴ Eliesere o zwi bvela biko, u swika a tshi wana mvumbo. Izwo ndi zwone. Naa o vha a tshi ḍo wana nnyi? Huno o themba Mudzimu. Mvumbo ya mini? Mvumbo ya Isaka, muselwa, ane Tshivhidzo tsha vha tshifanyiso tshawe. Hezwo ni a zwi ḏivha. Iyo yo vha i mbeu ya mupo ya Abrahamu; iyi ndi Mbeu ya vhuhosi ya Abrahamu. Ndi zwone, arali Eliesere, mudindā a no khou zwima muselwa huno a tshi khou lingedza u wana mvumbo, arali uyo munna o ḏa, mudindā wa ḫuvha la u fhedzisela, a tshi khou lingedza u wana Muselwa wa Kristo, a nga si ḫode vhurađo ha dinomineisheni. U ḫodo ḫoda mvumbo i no funa.

²⁴⁵ Sedzani! Tsha u thoma ndi mvumbo yavhuđi, ha tevhela u mu ita uri a lugele u ḫangana na Isaka. Nga murahu ha musi o no wana mvumbo, zwenezwo mu iteni uri a ime a dzike tshifhinga tshilapfu lwo eđanaho u thetshelesa mulaedza wawe wa Isaka.

²⁴⁶ Uyo ndi mudindā wa maduvhani a u fhedzisela, Tshedza tsha nga madekwana, ndi u thoma na wana hetsho Tshivhidzo (naa vha ḫo tenda ngafhi Mulaedza?), na tshi zwima. Naa ni nga vhala zwine nda khou amba nga hazwo? Zwimani hune itsho Tshivhidzo tsha vha hone tshire tsha ḍo vhuya tsha ni tendela u dzhena, tshire tsha sa ḫo vala muṇango no lavhelesa. Huno zwenezwo musi ni tshi ita henefho, no wana-ha mvumbo. Zwino arali a tshi ḫo ima a dzika tshifhinga tshilapfu lwo eđanaho u mu vhudza uri uyo Muselwa u tea u ḫamiwa hani! U tea u ambadzwa. A ima a dzika! Arali o vha a tshi nga kona u wana . . .

²⁴⁷ Vhonani Rabeka muṭuku a tshi khou thetshelesa ipfi liṇwe na liṇwe, mbilu yawe ḫukhu yo vha i tshi khou ḏivhitha. O...O—O vha a tshi khou mu vhudza. Zwino, no zwi bvela biko, “Naa ndi ḫo yafhi?” u swika ndi tshi wana mvumbo. Zwenezwo musi ndi tshi wana mvumbo, ndi mbo ḫi mu ita uri

a ime a dzike tshifhinga tshilapfu lwo eðanaho u mu ita uri a lugele u ya u mu tanganedza. Yawee, nñenñe, tshithu tshi no nyanyula hani! (Ndi tama arali ro vha ri na tshifhinga tsho engedzeaho zwiñuku kha iyo watshi.) U mu ita uri a luge; a ime a dzike uri a thetshelese mulaedza wawe. Eliesere o vha a sa khou amba nga ha ene munę, fhedzi o vha a tshi khou amba nga ha uyo we a mu ruma. Huno o vha e na mikovhe u sumbedza uri o ruñwa nga ene. Amene! O vha a tshi ḥoda u mu ambadza hezwi zwithu. Ni a ñivha uri o mu lugisa hani.

²⁴⁸ Arali ndo vha ndi tshi nga mu ita uri a tambe tshifhañuwo tshawe! Ni a vhona? Ni a ñivha, ndo—ndo tou pfa ndi tshi rovhedzea kha hezwo, ngauralo ndi khwine ndi tshi fhumula. Naho zwo ralo, ndo no amba lwo eðanaho, ni a ñivha zwine nda khou zwi amba. Zwo luga, thetshelesani, itonu ima ni dzike.

²⁴⁹ Dzhielani nzhele, mudinda wa tshifhinga tsha vhufhelo, mushumo wawe u ðo vha wa u ita uri vhakhethwa vha ñilugise, Muselwa a ñilugisele Muhwe. Uyo u ðo vha Mulaedza wawe. Zwino ni khou ḥodou guda ABC uri ni kone u guda aligebra ngavhuuya? Musi aya maiñe mapfundo a re nga murahu o no pfuñululwa a ðo dzumbululwa fhedzi khavho. Izwo ndi zwone. Gudani ABC u thoma. Naa ABC ndi mini? “Always Believe Christ,” [Tshifhinga Tshoñhe Tendani Kristo—Mutal.] (hu si ni ndaela yanu), Kristo. Ni a vhona? Tendani zwine A amba, hu si ni zwine muñwe muthu-vho a amba.

²⁵⁰ Arali zwo fhambana, arali muthu a tshi ni vhudza uri “Zwo luga kha inwi u ḥunya mavhudzi aña, vhasadzi,” ni a zwi ñivha zwauri u khou zwifha. Bivhili i ri zwo khakhea. Arali a tshi ri “Ni nga vha mudikoni huno na ñi vha na vhaftumakadzi vhaña kana vhañanu,” u khou zwifha. Izwo zwo fhambana na Ipfi. Ni a vhona? Zwithu hezwi zwiñwe zwoñhe zwine ra zwi amba, zwi vhidzeleni kha Ipfi huno ni vhone arali Ipfi li lone.

²⁵¹ Vhuyedzedzani tshivhidzo kha Ipfi. Zwino, naa uyu mudinda wa Maleaxi 4 u khou yo itani? U vhuyedzedza Lutêndo lwa mathomo, Lutendo lwa mvuwo. Uri, vho vhona Yesu nga murahu ha musi O no vuwa vhafuni, vho Mu vhona a tshi shuma vhukati havho.

²⁵² Vho vha vhe vhanna vha maipfi a si gathi. Vho ya nahone vha rera Ipfi. Oo, vho rera tshifhinga tshilapfu, Paulo o rera vhusiku hoñhe nga tshiniwe tshifhinga. Ni a vhona? Munna o wa tshifhañoni, a ñivhulaha. A shuvhama ntha hawe, a ita uri a tshile hafhu, ni a vhona. Ni a vhona? Ni a vhona, a bvela phanda na u rera.

²⁵³ Zwino, dzhielani nzhele uri vho vha vhe vhanna vho fhambanaho na zwine Ph., L.L., Q.U.S.T., na tshini tshire na ḥodou tshi vhidza tshone, zwa vha zone ñamusi. Mini? U fhandekanya mudinda na...Mulaedza, kha ndi ralo, nga mudinda, u ðo fhandekanya vhatendi kha vha si vhatendi.

Vhańwe vhavho vha ḋo andana Nalo, huno vhańwe a vha nga ḋo ralo. Vhańwe vha Luther... Vhańwe vha Katolika vho andana na Luther, vhańwe a vho ngo ralo. Vhańwe vha Luther vho andana na Methodisi, vhańwe a vho ngo ralo. Vhańwe vha andana na Pentekoste, huno vhańwe a vha nga ḋo ralo. Vhańwe vha ḋo andana na Tshedza tsha nga madekwana, vhańwe a vha nga ḋo ralo.

²⁵⁴ Naa ni khou yo divha hani arali tshi Tshedza tsha nga madekwana kana hai? Tshi lingululen i nga Ipfi (hu si ni Ipfi *lithihi* fhedzi, Ipfi *lothe* lo vhewa fhethu huthihi), ni vhone arali li lone kana hai. Oo, hu na mini ngomu? Zwenezwo arali yyu mulaedza u tshi aŋwa khwaſhisidzo ya Mudzimu a tshi khou shuma zwe A ri U ḋo ita, nahone yo andana na Ipfi, zwenezwo Ipfi li a khwaſhisidzwa vhunga kha zwińwe zwifhinga na zwe zwińwe zwiporofito zwa ita.

²⁵⁵ Dzhielani nzhele musi Mulaedza... musi... Dzhielani nzhele musi Mulaedza u tshi landulwa nga vhathe, huno mudinda a tshi vhonala o kundwa tshothe-tshothe, a nga si wane muńwe muŋango, a nga si wane fhethu.

²⁵⁶ Vhunga zwe Murena washu a vha e zwone. Elelwani, musi O vha... Oo, musi O vha a tshi khou fhodza vhalwadze, muporofita muswa, "Yawee, njenne! Ndi Muthu muhulwane!" "Ri a vusa, Rabi, naa ni vuwa hani?" Fhedzi lińwe duvha O dzula fhasi huno a thoma u vha vhudza Ngoho. A takalelwa nga tshivhidzo, vhathe. Vha zwigidi vha Mu tevhela. O vha e na vhashumeli vha fusumbe vho Mu tangaho, nga nnda ha vha fumimbili. Fhedzi lińwe duvha nga murahu ha musi O no shandukisa tshinnkwa ngei... kana o shandukisa... o andisa zwinnkwa, u sumbedza uri U Mudzimu, ngauri Mudzimu ndi ene fhedzi we a nisela tshinnkwa fhasi tshi tshi bva Tađulu. Iina. Ni a vhonan? O andisa zwinnkwa. Huno nga khathihhi fhedzi nga murahu ha hezwo... O tshimbila n̄ha ha mađi, a shuma mađembe, nahone a ita zwithu zwe A ita, u sumbedza uri O vha e ene.

²⁵⁷ Huno zwenezwo, musi O ita, A dzula fhasi huno a thoma u vhudza vhathe o halifha. Vhathe vha ḥuwa. Huno vha fusumbe vha ri, "Uh! Naa ndi nnyi ane a nga pfa Heli? Ilo ndi fhungo li kondaho. Ni thuthekanya tshe ra elekanya zwa vhukuma uri ndi tshinwe tshithu-vho. Zwino, naa Iwe u nnyi wa u ri vhudza izwi zwithu?" Huno vha ḥuwa.

²⁵⁸ Zwenezwo Yesu a rembulutshela kha tshigwada tshiṭuku Tshawe, vhunga mađuvhani a Noaxe, vhunga mađuvhani a Sodoma, ha pfi, "Ni ḫodou ḥuwa, na inwi-vho?"

²⁵⁹ Zwenezwo Petro a amba ayo maipfi mahulwane, "Murena, naa ri ḋo yafhi?" (Mudzimu, ri farise.)

²⁶⁰ Dzhielani nzhele musi Mulaedza u tshi landulwa nahone mudinda a vhonala o kundwa, afho ndi musi Mudzimu a tshi da vhuponi, Mulaedza wawe wo fhela.

²⁶¹ Noaxe, (ndi tshi vala zwino), Noaxe o rera munangoni wa gungwa lawe lwa miwaha ya ḫafumbili, u swika, musi mafheleledzoni vha tshi mu sea lwa u tou mu gwara, Noaxe a dzhena gungwani a tshi elekanya uri...zwi ḫo tou luga. Mudzimu a vala munango. Huno vhathu vha sa ḫuwe uri vha vhone zwe zwa vha zwi tshi khou yo bvelela. O dzula maᬁuvha a sumbe heneffo nahone a zwi bvela biko, huno nga ḫuvha la vhuṭanu na vhuvhili mvula ya ḫa. Uh-huh.

²⁶² Mushe, naa o vha e kha mini? Mushumoni, o ranga phanda vhathu. Lwanzhe Lutswuku lwa thivha ndila yawe. O vha o no vha magumoni a ndila yawe. Nga tshifhinga tshenetsho Mudzimu a ḫa na myua wa Vhubvaᬁuvha huno a fhandekanya lwanzhe, magumoni a ndila.

²⁶³ Ho vha hu Daniele, o imaho kha mulaedza wawe, “A thi nga ditshikaffhadzi nga shango la iyi khosi.” O ima a tshi fulufhedzea kha Mudzimu, e heneffo magumoni a ndila yawe, zwi tshi nga magumo a tshifhinga tshawe o no swika, vha mu posela bakoni la dzindau. Mudzimu a ḫa vhuponi.

²⁶⁴ Huno nga maᬁwe matsheloni, fhasi-fhasi ngei Babele... Amene! Ndi nga sedza Taᬁulu, nda vhona khu—Khulunoni, Vharuṇwa vho ima u mona nayo. Sedzani hafha fhasi Babele, ndi vhona na—nando i dugaho. Ndi vhona vhana vhararu vho ima heneffo, vha tshi ri, “Mudzimu washu u a kona u ri phulusa.” Ni a vhona? “Fhedzi a ri khou gwadamelia tshifanyiso tshawu, ngauri zwe fhambana na Ipfi.” Ni a vhona? “Ro ima hafha.”

²⁶⁵ “Zwo luga,” khosi ya ralo, “gonyani zwitepisi, ni khou yo fhiswa.” Vhanna vhahulwane vho khwathaho, magumoni a pfumo ili, ngevha vha khou ḫa vha tshi gonya zwitepisi, ligi nga ligi, u fhisa ha engedzea na u engedzea.

²⁶⁶ Ndi vhona Muruṇwa o ima, muthihi, thungo ha Khulunoni, a dzhavhula banga huno a li ḫomola, ha pfi, “Khotsi, sedza ngei fhasi, uri hu khou bvelelani! Kha ndi tsele fhasi, ndi nne Gabriele, ndi ḫo shandukisa vhupo.”

²⁶⁷ “Vhuyedzedza banga lau mukhwamani, Gabriele. Ndo zwi sedza.”

²⁶⁸ Muṇwe ngoyu u a ḫa, ha pfi, “Khotsi, ndi nne Wormwood, ndi nne mulozwi nga madi. Tshifhingani tsha phanda ha muḍalo, vhathu vho tshinya nahone vha sa fare vhathu. Vhau zwavhudzi, huno nda—nda shandukisa shango lothe la vha khungulu ya madi. Ndi do ḫanzwa Babele la bva kha mapa matsheloni ano. Litsa ndi ḫuwe.”

²⁶⁹ “Ndi a zwi divha zwauri u nga kona, Wormwood, u Muruṇwa a fulufhedzeaho. Ni a vhona? Fhedzi, Ndi nga si u tendele u ḫuwa, hoyu ndi mushumo Wangi. Ndi khou ḫuwa, Nne muṇe.”

“Fhano, no vha vhona?”

²⁷⁰ “Ndo vha sedza vhusiku hōthe. Ndo pfa mūtangano wavho wa thabelo. Ndo vhona u ima havho na Ipfi Langa. Ndi do vha henengei nga tshifhinga.” Yawee, nnenne! Ndi Mu vhona a tshi takuwa huno zwiambaro Zwawe zwa vhuhosi zwi tshi wa u mona Nae, nga u ralo, huno ha pfi, “Ida hafha, maya wa Vhubvaduvha, Devhula, Tshipembe, Vhukovhela. Pfukela nga hangei fhasi ha iyo thoho ya gole, Ndi khou yo u u namela sa goloi matsheloni ano. Ndi khou tsela fhasi ngomu Babele, ndi khou yo shandukisa vhupo.” Yawee, mukomana, O vha henengei nga tshifhinga!

²⁷¹ Ito Lawe li kha thongola huno ndi a divha zwauri U a ntsedza. U kha di sedza madekwana ano, u khou ntsedza, U khou ni sedza. O no sedza arali ri tshi do ima kana ri si ime, tsheo dzine ra do dzhia, arali ri tshi do fulufhedzea kha Ipfi kana ra tutshela kule Halo. Tshifhinga tshi nga vha tsho no tuwesa u fhira zwine na elekanyisa zwone.

²⁷² Yakobo, ndilani yawe ya u ya hayani, o susumedzwa u vhuyeleta hayani, mukomana wawe a tangana nae. Oo, fhedzi vhuñwe vhusiku a ita tsimbe na Mudzimu. O vha a tshi tshuwa u tangana na mukomana wawe, fhedzi nga matsheloni a tevhelaho o vha a sa ofhi, mukololo a thobilaho. “A thi ḥodi Esau naho hu mmbi yawe, na tshithihi tshazwo,” Mudzimu a da vhuponi. Ni a vhona, U zwi ita nga ndila isili.

²⁷³ Yesu, o landulwa, nga murahu ha u vha Murwa wa Mudzimu o khwañisedzwaho, ha pfi, “Arali Ndi sa iti mishumo ya Khotsi Anga, ni songo Ntenda.” O vha e Tshedza tsha duvha (U kha di vha Tshedza!), o daho vhuponi. Huno vhathu, musi A tshi khou di kona...tshinnkwa na dzikhovhe na dzilofo, vho Mu tevhela. Fhedzi musi A tshi thoma u vha vhudza Ngoho ya Ipfi, izwo zwo vha fhandekanya, vho vha vhe na maitele a vhone vhane e vha vha vho a farelela. Zwo vha zwo fhambana, naho zwo ralo ni a divha uri O vha e luthihi kokotolo na Luñwalo. Fhedzi mañ o pofulaho a shango ho ngo kona u Lu vhona; na zwino a vha koni, na kha tshiñwe tshikhathi a vho ngo kona, ndi khou amba, ho katelwa zwothe. Naa ho bvelelani? Zwo vhonala zwi tshi nga O kundwa.

²⁷⁴ Ni dzhiela nzhele, u bva nga tshifhinga tshenetsho, u takaelwa Hawe ha Mu tutshela. Lini? Musi A tshi thoma u vha vhudza Ipfi. Musi O vha a tshi kona u ya nahone a vha—nahone a vha na tshumelo dza phodzo na dzikhunguwedzo, muñwe na muñwe o Mu ḥoda, “Oo Rabi, ida nga hangeno!” na, “Rabi, ida ngeno!” Fhedzi musi Pfunzo Yawe i tshi thoma; “Oo, Pfunzo Yau i thithisa vhathu vha hashu.” Oo, nga vhanna! “Oo, ndi nga si tsha vha na Iwe tshivhidzoni tshanga, Rabi, ngauri, mulandu, U ḫađisa vhathu vha hashu, Pfunzo Yau i fhambana nga maanda na zwine ra tenda.” A yo ngo shanduka. Ni a vhona? A yo ngo

ralo. Iina. "Ndi nga si vhe na Iwe, Rabi!" Naho zwo ralo Ene o khwathisedzwa, o sumbedzwa nga Mañwalo uri ndi Ene Nnyi, naho zwo ralo a vho ngo kona u Li tenda.

²⁷⁵ Mafheleledzoni O bvela phanda u swika tshikhathi tsha u fhedza, musi Sathane o elekanya uri "Ndo Mu wana," a Mu vhamba kha tshifhambano. Fhasi, fhasi, fhasi, fhasi, u swika mafheleledzoni vha tshi elekanya uri vha Nae, vha Mu vhea tshaloni. Fhedzi izwo ndi musi Mudzimu o da vhuponi. Ntha tshaloni A vuwa! Mulandu?

²⁷⁶ Zwenezwo zwithihi, Paulo, o ri, "Vhothe... Demasi o nn̄tanutshela. Vhathu vhothe vha a nn̄tanutshela nga nwambo wa Ipfi." A thi tendi uri Demasi o ya kilabuni dla vhusiku na zwithu. Fhedzi Demasi o vha a tshi khou ḥodou ḥuwa, Demasi o vha e munna o pfumaho. Huno o ḥoda u ḥuwa na tshigwada tshi takalelwaho, huno ngauralo a ḥuwa henehfo he vñaiwe vhothe vha ita. Huno zwenezwo Paulo a ri, "Vhathu vhothe vho nn̄tanutshela." Mulandu? Mushumo wawe, o vha a tshi khou da kha tombo la tshiuludza lawo, a tshi khou tsela vhufheloni.

²⁷⁷ Lutamo lwawe lwo vha lu lwa u vha mufelalutendo nge a vhulaha Stefano, o ḥanziela lufu lwawe nahone a lu tendela. O vha a tshi ḥoda u fa. Musi... Agabo, ula muporofita o limuiwaho, a ima nae huno a mu vhudza uri a songo gonya Yerusalem, a ri, "A thi ḥivhi u sa ya. Fhedzi a thi khou funa u ya fhedzi, u ya ndo vhoxwa nga dzingedane, ngei Yerusalem, fhedzi ndo dilugisela u ya nahone nda fela Murena Yesu." Naa ho vha hu mini? O vha a tshi khou shatela mushumo wawe.

²⁷⁸ Oo Tshivhidzo tsha Mudzimu a tshilaho, ri nga amba vhusiku hothe. Naa ri khou yo shatela hani Mulaedza washu? Naa ri khou yo zwi ita hani? Mudzimu, ri farise u dzhia Ipfi heli, ra ima ri na tshivhindi. Kha ndi fe nga Ipfi; ndi tshire nga Ipfi, ndi fe nga Ipfi. Balanganya Tshedza, ngauri hu do vha Tshedza tshifhingani tsha nga madekwana. Ri kha iyo awara, dzikhonani. Kha ri Tshi tende, musi ri tshi kotamisa zwifhauwo zwashu.

²⁷⁹ Tsha u thoma, ndi khou humbela pfarelo nge nda ni fareledza tshifhinga itsi tshothe, nga awara mbili, awara na miniti ya fuiñathanu, ndi a elekanya, kokotolo. Ndi fulufhela uri a hu na tsho vhaisaho. A ri tei u khukhulisa. Izwo, arali izwo zwi ngomu—arali izwo zwi ngomu kha mibilu dzashu na maya, zwenezwo ri a khakha, riñe vhane, arali riñe vhashumeli ri tshi sokou amba hezwo zwithu, vhakomana vhanga fhano, havha vhanna vho dalaho Muya Mukhethwa. Ni a vhona?

²⁸⁰ Musi ndo no tshidzwa huno nda vhudza mufunzi wanga wa Baphuthisi uri ndo no ḥanganedza Muya Mukhethwa, na izwi zwithu zweithe, izwi... huno Murunwa wa Murena o mmbudza zwine nda tea u ita, a ri, "Ni fanela u vha no vha na muloro, Billy."

Nda ri, "Dokotela Davis, ndo vhona Muruńwa."

²⁸¹ A ri, "Oo, vhuṭafuṭafu!" Ha pfi, "Izwo ndi—izwo ndi zwa Diabolo." Ni a vhona? Yawee, nñenñe, zwi mbaisa hani izwo! A ri, "Ni khou yo rerela mahosi na vhavhusi?"

Nda ri, "Izwo ndi zwe A amba."

A ri, "Nga gireidi ya vhusumbe ya pfunzo?"

Nda ri, "Izwo ndi zwe A amba."

²⁸² A ri, "Naa ni elekanya uri ndi nnyi a no ḍo thetshelesa? Ni tshi ya nn̄da u rera phodzo Khethwa kha ḫuvha li no nga ili, huno hu na vhuṭodesi hoṭhe ha u alafha havhudzi na zwithu?"

Nda ri, "A thi londi uri ndi vho-Goliada vhangana vha imaho henengei."

A ri, "Naa ni elekanya uri ndi nnyi a no ḍo ni pfa?"

²⁸³ Nda ri, "Arali Mudzimu a tshi khou nthuma, hu ḍo vha na muñwe a no ḍo mpfa."

²⁸⁴ A tho ngo ḫivha nga ha inwi vhatu nga itsho tshifhinga. Nahone musi ndi tshi da kha inwi, ho vha hu tshi tou nga u ambara gilafu tshandani, ndi fanelana na inwi. Ndi a ni funa. Ndi a ni funa. Ndi funa vhakomana vhangana vha re vhafunzi. Ni elekanya uri Mupuresbiterieni, Mumethodisi, kana Muļutere, o vha a tshi ḍo vula tshivhidzo tshawe vhunga uyu mukomana madekwana a ḫamusi, uri riñe ri dzule fhano huno ri rere mulaedza wa lushaka ulu? Hai, mune wanga, na luthihi. Havha ndi vhanna vha re na tshivhindi vha no tenda Ngoho. Zwino andani na Ipfi navho, ni a vhona, ṭutshelani kule ha zwithu zwā shango.

²⁸⁵ Dzikhaladzi, litshani mavhudzi aṇu a aluwe. Ambarani rokho dzanu, dzavhudzi nahone dzo kuna. Ni a shonisa. Bvisani iyo pennde kha tshifhaṭuwo tshañu. Ni a vhona? Ni na Luńwalo lwo engedzeaho lwa u ambara pennde u fhira lune na vha nalwo lwa u ḫunya mavhudzi aṇu. Izwo ndi zwone. Ni songo zwi ita. Ni songo zwi ita. Bivhili yo ri ndi tshithu tshi shonisaho musadzi a tshi tshi ita. Mavhudzi ndi vhugala hawe. Zwino inwi ni ri, "Itsho ndi tshithu tshiṭuku." Izwo ndi zwone, kha ri bvise zwithu zwiṭuku ndilani huno ri do mbo ḫi amba nga ha zwithu zwiḥulu. Kha ri ḫome zwavhudzi.

²⁸⁶ Zwino, vharathu. Yawee, nñenñe! Kha ndi ambe tshithu tshithihi kha munna. Murena, mukomana wanga, arali ni tshi ḫo tendela mufumakadzi waṇu u ita tshithu tsho raloho, ni a ntshonisa, nahone ni tshi ri ni munna o ḫalaho Muya. Ni a shonisa, ni tshi tendela musadzi waṇu u ya tshiṭaraṭani.

²⁸⁷ Huno kuambarele kwaṇu ndi kwa vhudzekani tshoṭhe na tshińwe na tshińwe nga u ralo, huno naa ni a ḫivha uri Bivhili yo ri, Yesu a ri, "Ane a sedza musadzi uri a mu emule o ita vhupombwe nae"?

²⁸⁸ Inwi ni ri, “Zwino imani lwa tshifhinganyana, mukomana wanga, nne a thi na mulandu.” Ndi a tenda uri na inwi ni ralo-vho, khaladzi anga, ni a si na mulandu kha nyito ya mupo. Fhedzi arali ni tshi dīnekedza huno muitazwivhi a ni sedza, huno no dīnekedza nga u ralo, naa ndi nnyi a re na mulandu? Inwi ni nāwo, nga nthani ha u dīnekedza. Zwenezwo nga dūvha la Khaṭhulo, musi uyo muitazwivhi a tshi fhindula malugana na vhupombwe, naa o vhu ita na nnyi mibiluni yawe? Inwi! Mulandu? Ngauri no dīnekedza. Zwino, izwo zwi tou vha Ngoho.

²⁸⁹ Naa ni nga si, naa ni nga si, khaladzi, ndi a humbelo, nga Dzina la Yesu, ndi nga ni humbelo sa khaladzi aq̄u, u lulamisa?

²⁹⁰ Mukomana, ni a shonisa ni tshi langa nn̄du yaṇu nga u ralo, lulamisani. Ndi—ndi na mafulufhelo a khwine kha inwi sa munna. Ni a vhona?

²⁹¹ Vhafunzi vhanе vha tendela vhatu u dzhena, vha vha madikoni na tshiñwe na tshiñwe-vho na mishumo yo raloho, vhe na vhafumakadzi vhavhili kana vhararu vha no tshila, na zwithu, naa a ni shoni, mushumeli? Naa izwo zwithu a zwi ni shonisi? Nahone na dzenisa mirađo ngomu henefho ngeno vha tshi khou tshila vhupombweni, nahone vha tshi khou daha dzisigarete, nahone vha tshi khou ita zweṭe, nahone ni sa vhuye na zwi bula na kathihi pulatifomoni. Ni a shonisa! Ndi—ndi—ndi a ni rabelela, mukomana.

²⁹² Mudzimu a ni fhaṭutshedze. Ndi a ni livhuwa nga u sa fhela mbilu haṇu ha u nkondelela. Zwino, ndi a mangala...

²⁹³ Tshedza tsha nga madekwana tsho ḫa. Tshedza tsha nga madekwana tshi fhano, murahu kha Ipfi.

²⁹⁴ Zwino, zwifhaṭuwo zwaṇu zwo kotama, mbilu dzaṇu dzo kotama, divhudziseni iyi mbudziso, “Naa ndi a konanā na ili Ipfi? Ndi ralo?”

²⁹⁵ Thabelo yanga i, bva pulatifomoni, “Oo Mudzimu, tumula tshiñwe na tshiñwe kha nne tshi sa fani na Iwe. Oo Mudzimu, tusa kha nne.” Ri hafha fhasi magumoni a ndila.

²⁹⁶ Zwo luga, naa ni do fulufhedzea u swika hune na ḫo imisa zwanda zwaṇu huno na ri, “Mudzimu, tumula kha nne tshiñwe na tshiñwe tshine tshi sa fane na Iwe. Nnyite, Murena, mbumbe nahone u nnyite”? Murena a ni fhaṭutshedze.

²⁹⁷ Arali hu na muñwe a songo lugaho, huno e muitazwivhi o sudzulutshela ngomu hafha madekwana a q̄amusi, huno a sa athu ṭanganedza Kristo sa Mutshidzi na kathihi, kana mugunei kana tshiñwe tshithu, nahone a tshi ḫoda u vhuya, ni khou rambiwa u ḫa u ima hafha kha alīṭari. Arali ni tshi tenda uri Mudzimu u do pfa thabelo dzanga dza vhalwadze, ndi tenda uri U do mpfa. Huno inwi na nne ri tshi vhea lutendo lwashu kha Tshidzimu, Yesu Kristo, Murwa wa Mudzimu, huno ra ita thabelo, ndi tenda uri Mudzimu u do pfa. Ni khou rambiwa u ḫa na ima hu tshi itwa thabelo.

²⁹⁸ Zwino, Khotsi ashu wa Tađulu, ri U nea havha vhathetshelesi, maipfi haya o kwashekanaho o lapfaho, Murena. Huno vhanzhi vho no neta nahone vho no ya hayani, huno khamusi vhañwe vho pfa vha songo takala zwiñuku, huno, Murena, ndi—ndi nga si tou amba uri ndi nnyi a re kha vhathetshelesi tshifhinga tshothe. Huno, itali, Khotsi, Ndi Ipfi Lau nahone U ñivha mbilu yanga. Ngauralo...huno nne... Khombo kha nne arali ndi sa zwi iti. Huno ndi—ndi fanela u zwi ita, Murena. Ngauralo ndi a rabela zwino uri vhathu vhane vha vha na pfeseso ya Ipfi vha do pfesesa nga ndila i pfalaho, huno ndi na ngoho ya uri avho vhe Wa vha vhidzela Vhutshiloni vha do ralo, uri a si tshiñwe tshithu shangoni nga nnnda ha mbilu yo dalaho lufuno kha Mudzimu na Tshivhidzo Tshawe zwine nda humbelia izwi zwithu.

²⁹⁹ Khotsi, vhukuma tshanda tshiñwe na tshiñwe ngomu hafha tsho ya nthia tshi tshi itela u rubiswa, uri mashuluwa a ne a sa vhe a henefho a tumulelwue kule. Mudzimu, ri farise rothe. Ndi ima henefho navho, Murena. Ndi muñwe wavho, ndo lindela u da ha ilo duvha li takadzaho la Nwahagidi musi tshivhi na thoni zwi tshi do lozwiwa zwa lini na lini. Huno, Khotsi, musi ri shangoni ili ri a zwi ñivha zwauri ri langwa nga izwi zwithu, ri vhane vha nga ita dzikhakho, ri vhane vha nga tshinya, ri kha di tshimbila, huno naho zwe ralo a ri tami u zwi ita. Vhunga Bivhili yo ri, "Ni songo ñoka musi ni tshi rovhedzwa." Fhedzi ndi a rabela, Khotsi, uri thovhedzo ya Ipfi i ntshee nga maanda vhunga i tshi tshea vhañwe vhothe. Huno ndi a rabela, Khotsi, uri vha zwi pfesese nga heyo ndila.

³⁰⁰ Ndi rabela uri U vha fhañutshedze zwino. Huno ngavhe hezwi, vhunga ro no rabela, Murena, ri tshi ñivha nahone ro sedza zwine ra humbelia, ngauri a ri todì u humbelia ri si newe, a ri todì u humbelia tshiñwe tshithu hu u sokou ita maipfi, ngauri ri khou amba na Iwe.

³⁰¹ Ndi humbelia uri U fhañutshedze murathu washu muñkuu fhano we a mmvulela munango wawe uri ndi dzhene ngomu madekwana a ñamusi. Ndi rabela uri U fhañutshedze tshivhidzo tshawe huno ngavhe muñwe na muñwe wa mirado yawe, Murena, u tou... Ngavhe iyi i tshi vha thawara, fethu hune mikovhe ya Mudzimu ya elela nahone tshiñwe na tshiñwe tsha khou tou tshimbila nga ngona.

³⁰² Fhañutshedza mushumeli muñwe na muñwe o dzulaho fhano, zwivhidzo zwavho. Huno ngavhe hu tshi vha na mudzinginyo, kana u huwelela murubeilani, wa Muya wa Mudzimu u tshi budekanya Phoenix, huno u tshi ñisa zwivhidzo kha vhutama na kha—na kha mvuseledzo khulwane, lune vhashumeli vha sa do kona u rera, u itela Vhugala ha Mudzimu; fhedzi musi vhakhethwa vha tshi kuvhangana hu tshee nga u ñavhanya nga masiari, u lila na u rabela na u

tanziela na milaedza, hu tshi tou vha tshululo vhukuma ya Muya, musi muđi wothe u tshi do kungea u da, u thetshelesa. Zwi tendele zwino.

³⁰³ Fhodza vhalwadze vha re vhukati hashu, Murena. Vha nee phuluso Khethwa, Khotsi, nga Dzina la Yesu Kristo.

³⁰⁴ Zwino zwifhađuwo zwashu zwo kotama, arali hu na muńwe fhano a no tama u ima heneffo u mona na alitari zwino, huno musi ro kotamisa zwifhađuwo zwashu, ri khou tou yo nuna luimbo luđuku, lu-lu-luimbo lwavhudi, lwa kale lwa Mafhungo-madjifa. Huno ulwo ri todou lu nuna. Huno musi ri tshi ita, arali hu na muńwe a no tama uri rine ri mu rabelele, uri a vhe na tshe-tshenzhemo ya ngoho-ngoho, uri a wane Muya Mukhethwa, kana no tshidzwa huno ni sa athu khethefhadzwa, kana tshińwe na tshińwe, ri do takalela u ita hezwo musi ri tshi nuna ulu luimbo luđuku, *Ndi A Mu Funa*. Huno arali ri tshi Mu funa, kha ri tħonifhe Ipfi Lawe zwino.

Ndi a Mu funa, ndi a Mu funa
Ngauri O thoma u funa nne
Huno o renga u tshidzwa hanga
Murini wa Khalivari.

³⁰⁵ Musi vha tshi khou da, ndi tođa muńwe na muńwe a tshi dzhia fhethu hawu fhano zwino. Zwo luga, khaladzi.

... Mu funa, ndi a Mu funa
Ngauri O ...

Iđani zwino, u mona na alitari, inwi a no todou da zwino.

... nne
Huno o renga u tshidzwa hanga
Kha wa Khalivari ...

³⁰⁶ Naa ndi ngani vhańwe vhanu vhoinwi dzikhaladzi ni re na mavhudzi mapfufhi ni sa di hafha ntha huno na anela Mudzimu? Ni tođa ndi tshi ni vhalela zwone kha Bivhili? Zwo luga. Naa ni nga si de, na ri, "Murena, ndi todou vha o lugaho zwithuni zwothe, nahone ndi todou thoma zwavhuđi. Huno ndi todou vha kha ndila i re yone nahone nda dzula heneffo. Ndi khou yo U anela madekwana a ñamusi, Murena. Hu khou do aluwa u bva zwino"?

³⁰⁷ Bivhili yo ri zwi a shonisa munna a tshi vha na mavhudzi malapfu, a tshi nga musadzi. Mudzimu o ita milanga mivhili, muńwe na Adamu nahone muńwe na Efa. O vha ambadza lwo fhambanaho. Vho fhambana, tshothe-tshothe. Tshifhinga tshothe vho vha vho fhambanaho. Hu na milanga mivhili kha Bivhili yothe. Ndi todou rera nga ha uyo mulanga wa kavhili vhuńwe vhusiku, tshińwe tshifhinga, nda ni sumbedza uri phambano ndi ifhio. Yawee, nñenne, ndi zwihulusa. Zwi dovha zwa vha kha tsumbo yanu ya mbingano na muđalano, arali no

vha no divha fhedzi ngoho yazwo, no vha ni tshi ḍo dzudzanya fhungo loṭhe. Izwo ndi zwone. Zwo luga, hafhu zwino, musi ri na ngoho zwino. Idani, a ni di?

Ndi a Mu funa, . . .

Ni ṭoda Muya Mukhethwa? Idani n̄tha, imani u mona hoṭhe.

Ngauri O funa n̄ne u thoma

Huno . . .

Ni ṭodou tshimbila tsini Nae? Idani, itani muano, imani Nae huno ni u vhulunge. A zwi nga farisi tshithu u ita muano nn̄dani ha u u vhulunga.

Kha . . .

Ni nga da na ita muano waṇu. Mudzimu u tea u u ḫadza. Inwi itonu fara muano waṇu.

³⁰⁸ Zwino ndi khou yo humbela vhakomana vhanga vha vhashumeli arali ni tshi ḍo tsela fhasi zwino u mona hafha, imani henefha u mona na havha vhathe vha vhuṭhogwa musi ri tshi rabela henefha, ri tshi amba na muñwe na muñwe, ri tshi vhudzisa nga ha ḫoṭdea dzavho zwino musi ri tshi kha di vha hafha.

³⁰⁹ Muñwe na muñwe kha tou vha a thonifhaho u ya nga hune a kona. Zwino, Mudzimu u do ni tonda, itonu vha a thonifhaho vhukuma u swika thabelo iyi i tshi itwa. Ni nga ḫa henefha u mona hoṭhe zwino, ngomu hafha, u mona hoṭhe, n̄tha na murahu ha havha vhathe vho imaho hafha u itela thabelo.

Murini wa Khalivari.

³¹⁰ Zwino hafhu, musi hu na vhashumeli vho kuvhanganaho matungoni oṭhe.

Ndi a Mu funa, ndi . . .

Ndi ṭodou vhona avho, vhashumeli vha madzangano o fhambanaho, vhoṭhe vhe vhatihhi zwino; vha re fhasi ha Malofha.

Ngauri O funa n̄ne u thoma

Huno o renga u tshidzwa hanga

Murini wa Khalivari. (N̄nenne!)

³¹¹ Zwino iyani vhakomana, henefho kha muthu waṇu no imaho tsini nae, vheani tshanda tshaṇu khavho huno ni vha vhudzise uri vha ṭodani kha Mudzimu. Itsi ndi tshifhinga tshavhudi? Ni a divha, musi ndi tshi vhona hezwi, sedzani hafha, vhashumeli vha zwivhidzo zwo fhambanaho, vho ima vhoṭhe u mona hoṭhe. Khaladzi dze dza vha dzi kha dzikho tho dzo vuwa, dzi nn̄da, dzo ṭuwa. Rendani Murena. Ndi zwi livhuwa nga maandā hezwo, ro ima nga Dzina la Murena.

³¹² Zwino, i ri ni vhatetshelesi zwino, muñwe na muñwe kha kotamise tshifhātuwo tshawe. Muñwe na muñwe waṇu zwino, mbiluni yaṇu, itonu amba na Mudzimu vhunga ni tshi ḍo amba na n̄ne; vhunga ni tshi ḍo ḫa nahone na ri, "Mukomana

Branham, ndi—ndi . . .” Arali no ita tshiñwe tsho khakheaho, i ri ni, “Ndo khakha, Mukomana Branham. Ndo—ndo ita hetshi, naa ni ðo nkhangwela tshone? Ndi ðo ni fulufhedzisa, Mukomana Branham, ndi nga si tsha dovha nda lwa na inwi nga u ita hetsho na kathihi.” Zwino itonu shandukisa dzina langa, u bva kha nñe, u ya kha Murena Yesu Kristo wañu.

³¹³ Huno arali ni tshi ðoda phodzo, u tou fana na musi ni tshi nga ða na ri, “Mukomana Branham, ndo—ndo ðahelelwa, a tho ngo vha na tshilalelo zwatsho madekwana a ñamusi, nahone, iina, ndi a zwi divha uri arali no vha ni na ðolara no vha ni tshi ðo nñea yone.” Zwino, ni a vhona, a ni tei uri kha Mudzimu na ri, “Arali U na maanda a u fhodza.” U nao, ni a vhona. No vha ni tshi do tea u ri kha nñe, “Arali ni nayo.” Fhedzi Khae a ni tei u ri, “Arali U nayo.” U nayo! Ni a vhona? Ngauralo ni ri, vhunga, “Mukomana Branham, naa ni nga nñea ðolara? Ndi—ndi—ndi ðoda tshiñwe tsha u ña.” Mulandu, a hú na zwiñwe ndi ðo ita, ni a zwi divha hezwo. Arali ndo vha ndi nayo ndo vha ndi tshi ðo ni ñea yone, tshifhinga tshiñwe na tshiñwe. Ndo vha ndi tshi ðo vha na mbilu mmbi arali ndi songo ita. Huno nñe, ndi na tshiñtu, munna muvhi, huno nda vha wa mbilu-mbuýa kha muñwe a no nga inwi, naa Mudzimu o vha a tshi ðo vha mini?

³¹⁴ “Arali inwi ni vhavhi ni tshi divha u ñea mikovhe yavhudí, naa Khotsi aqú wa Taðulu a nga si simese u vha ñea Muya, vha no U humbelá.” “Arali no vha ni tshi do humbelá khovhe, naa O vha a tshi ðo ni ñea nowa? Na humbelá tshinnkwa, naa O vha a tshi ðo ni ñea tombo?” Zwa vhukuma hai!

³¹⁵ Mulandu, arali no vha ni tshi nga Mu humbelá nga heyo ñdila, nga lutendo, izwo ni tshi zwi tenda, no vha ni tshi ðo zwi wana Khae kamiloni u ñavhanya u fhira tshe na vha ni tshi do tshi wana kha nñe. Huno ni a divha zwauri ndo vha ndi tshi ðo ni farisa, ndo vha ndi tshi ðo ita tshiñwe na tshiñwe tshe nda vha ndi tshi nga kona. Muñwe wa vhakomana havha o vha a tshi ðo ralo, ro vha ri tshi ðo gwa peni inwe na inwe tshikwamani tshashu u ni farisa. Ro vha ri tshi do ita tshiñwe na tshiñwe tshe ra vha ri tshi nga kona. Fhedzi itshi ndi tshiñwe tshithu tshine na tea u tenda nga lutendo.

³¹⁶ Zwino, ni tenda uri ni ðo tshi ñanganedza musi ri tshi rabela, huno ni a rabela, na vhathetshelesi vha a rabela, huno ndi tenda uri Mudzimu u ðo tsela fhasi nahone a tonda thabelo yashu. Huno muniti wonoyo une na pfa uri ni Nawo, uri Mudzimu u khou yo fhindula thabelo yañu, zwenezwo no ita mulanga, “Murena, ndo khakha, ndi nga si tsha zwi ita. Ndi ðo imisa tshanda tshanga, ndi a U fulufhedzisa a thi nga iti,” Mudzimu u ðo dzhia zwe na amba. Huno inwi itonu zwi tenda nga heyo ñdila huno zwi ðo vha zwo fhela tshothe. Zwenezwo itonu imisa zwanda zwañu ni Mu livhuwe, “Murena, ndo ita muano wanga. Huno ndi a zwi divha zwauri ndi Wau, huno Wo fulufhedzisa u u fhindula, huno U nga si kundelwe.”

³¹⁷ Khotsi wa Tadulu, rine, vhalanda Vhau, ri ima tsini ha itshi tshigwada tshe tsha da phanda tshi tshi toda phathutshedzo Dzau na tshenzhemo Yau ngà tshino tshifhinga. Khotsi, ndi vhone khaphu dza Mulaedza, tshifhinga tsha Tshedza tsha nga madekwana. Vhunzhi havho, Murena, vha khou bula. Vhañwe vhavho vha na thodea lwa u tou hanganea. Ndi a rabela, Mudzimu, uri Dzinani ja Yesu uri U nga si thudzele muñwe wavho kule, ngauri U do vhulunga Ipfi Łau. Ndi disa Ipfi Łau kha khumbudzo Yau, Murena, sa Petro o ita na vhafunziwa musi vha tshi rabela kha Mishumo 4, vho ri, “Murena, elelwa Ipfi! Ndi ngani vhahedeni vha tshi sinyuwa huno vhathu vha humbula tshithu tshi siho?”

³¹⁸ Zwino, Khotsi, ri disa Ipfi Łau. Wo ri, “Ane a Ntenda u na Vhutshilo ha lini na lini. Ane a da kha Nñe na luthihi A thi nga mu pandeli. Ane a pfa maipfi Ānga huno a tenda kha Uyo we a rumu u na Vhutshilo Vhu Sa Fheli, huno ha nga do da kha Khañhulo fhedzi o bva lufuni a ya kha Vhutshilo.”

³¹⁹ Oo, kha ri divhadze Mudzimu khumbelo dzashu, huno U do ri fhindula. O ita zwihilusa... “Ane a do bula zwiwhi zwawe u do vha na khangwelo. Ane a dzumba tshivhi tshawe ha nga vuledzi.” Huno ri bula vhukhakhi hashu. Ndi bula vhukhakhi ha vhathu. Ndi bula vhukhakhi hanga. Ndi humbela khathutshelo. Ndi humbela phodzo. Ndi humbela tshilidzi. Ndi humbela uri U shulule Muya Mukhethwa, Murena, zwa zwino kha havha vhathu vho lindelaho, uri vhutshilo havho vhu shanduke kha buloko ya u vhumba ya Mudzimu, huno vha do vhumbiwa nga tshifanyiso tsha Murwa wa Mudzimu, uri Muya we wa Mu hanyisa, une wa do dzhena mivhilini yavho huno wa vha ita vharwa na vhananyana vha Mudzimu. Zwi tendele, Murena.

³²⁰ Ri tenda uri U hone. Ri tenda uri U do hulisa Ipfi Łau. Ri tenda uri U do hulisa vhujidini ha Ipfi. Zwino rumela idzi phañhutshedzo kha havha vhathu sa izwo vho lindela Vhuhone Hau uri vhu vha dalele hafha kha aliñari. Dzinani ja Yesu.

³²¹ Zwino, arali ni tshi tenda, nahone ni tshi tenda uri no ḫanganedza, imiselani Mudzimu tshanda tshanu. Arali ni tshi i ḫanganedza sa thabelo ya lutendo na muano wañu musi zwino ni tshi rembulutshela kha Mudzimu, imisani zwanda zwañu.

³²² Huno i ri ni vhathetshelesi vha ime. Muñwe na muñwe, kha ime, a no toðou itela Mudzimu muano, zwino ni ri, “Ndi a Łi tenda. Ndi a Łi ḫanganedza. Ndi a Łi tenda.”

³²³ Zwino imisani zwanda zwanu huno ni Mu nee thendo zwi do vha two fhela tshothe. Vhugala kha Mudzimu! Ndi a U livhuwa, Murena Yesu, malugana na vhuvhuya Hau na khathutshelo Yau, na kha zwe Wa ri itela zwone, Murena. Ri U ñea thendo nga kha Yesu Kristo.



MUDINDA WA NGA MADEKWANA TSV63-0116
(The Evening Messenger)

Hoyu Mulaedza nga Mukomana William Marrion Branham, u rangani wo ɻewa nga Tshiisimane nga madekwana a Ləvhuraru, Phando 16, 1963, kha Tshivhidzo Tsha Mudzimu Tsha Pentekoste kha ja Mesa, Arizona, U.S.A., wo dzhiwa kha rekhodo ya theiphi ya maginete huno wa gandiswa u songo pfufuhifhadzwa nga Tshiisimane. Heyi ɬhalutshedzo ya Tshiven̩a yo gandiswa huno ya phaðaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org